



10798

靜惕堂詩集卷第十五

構李曹



五言律一

簡玉湖公遺集二首

公諱文錫
余從高祖

四世農家服三朝典郡臣歌風壇杏古報政嶺梅春
公
鉛槧勤餘暇箕裘愧後塵我宗今蕩落際盛獨斯

交州華
慶郡守

人

道在明良日詩成慶曆還傳書湖水上考室海鷗間孝
友常矜俗道遙少瘁顏素輕華屋貴酌酒問丘山

懷潘山人二首

海上居初索山中信轉疎隱情無定所古意正如初積

靜惕堂詩集卷第十五

一

兩閒秋舫荒沙暗草廬皇天存苦節後裔未應虛
山人年
老而無

子

垂髫親令德實在祖庭前道去摧賢哲
先祖以壬
戌年卒 交敦忘

歲年墨痕題畫石風急送秋絃努力傳高士情深國史

編

春泛二首

湖水來無際乘時漫出遊煙條銜短楫沙鳥弄芳洲釣
侶招時起
悵莫畱竟虛橫槩志閒坐領沙鷗

僻邑無多勝湖東尚有臺海偏歸浪疾花謝野鷺來祇
覺山林媚兼饒眺覽才物情多自得逼暮且徘徊

同友僧右吉入真如寺

靜壁圍春竹深堂聽午鐘香來應悟道飯後每看松水
逶前朝蹟風清漫士容入城迴望遠峭嶠作孤峰

項氏園

曲洞迷秋逕叢筠覆石斑滿城無尺阜此地卽深山興
到嵐光密幽多翠色還主人空鎖鑰輸我日窮攀

岳氏園

地得湖中勝晴生水竹香隔林看鶴磻移月近魚梁粉
堞窗間小鄰鐘雨後長最多瀟灑意景色待壺觴

贈丁原躬三首

狎世無高士幽心的的明鶴鳴煙渚遠人起白苔清投
社雙溪老邀遊五嶽輕喜無妻子累不急草堂成

靜陽堂詩集卷第十五

二

旣識潛身好猶嫌執藝多姓名隨俗顯冰雪映人過畫
裏分苔甍書成點薜蘿晚來精事佛山磬筇清歌
篆學師承絕君今得大家骨纏松嶽古勢壓海螭斜鉅
筆榮碑石空齋散墨花興來時輟贈不恨酒船賒

同右吉平立詠庭中古樅二首

買宅原因此邀人發興幽清陰羣客坐廣砌百蟲秋松
栢兼成幹虬龍莫與儔西園孤處日風雨一含愁
借問何人植遙應近百年傍崖分葉細耐冷得青偏合
影開書幌蟠根動石泉儘堪梁棟選在野覺凄然

喜友僧至

吳閩淹玉節香草見遺阡燒燭青山夜啣杯白燕天放

愁嵇阮路相遇甲兵年脾睨今誰在逃名覺汝賢

張華故宅

瑀文千載事豈特重椽題憤俗鷓鴣擬空羣駿駟齊載
書荒草路談劍夕陽谿想見賡蒼雅仙蟬落夜藜

鐵山惠香

世外飡香侶瓊崖萬里行烟橫荀令席塵舞石家楹比
德如君子懷珍向友生相看無遠別長對博山清

再使武昌

已分湘潭臥誰驅屈宋豪龍綸雙闕遠虎節一星高游
倦元王醴神雄楚客濤古來蕭瑟地秋思慰賢勞

題李文孫齋壁

靜陽堂詩集卷第十五

三

一枕湘君雨三更越客風羽觴雲乳碧麝火石鑪紅混
俗傳鸚鵡憂時及鼯時楚蚤早也心期崇令德未敢愛雕蟲

蔡迪之席上分韻四首

百里聚寒星耽奇著典刑心知紫白壁古道拂青萍燃
燭江山暇當杯日月停不因高會洽黠澹愧湘靈
勝游忻有托楚色見英靈搖落愁方急烽煙感獨醒奇
懷同塊壘韻事入青冥寫恨應千載何人頌酒星
遠域懷鉛槧才慳繡補銘筵前千月曉檻外一江青獨
灑乾坤淚猶登屈宋庭迢然文字飲望古說侯鯖
妙氣空塵宇神人有蔡經圭璋開永夕江漢擁雙萍雨
雪愁相失鞭筆夢未寧大風牢落久歸計在漁汀

廸之出崔道母畫扇索題仍用九青韻二首

球琳徵遠抱團扇與淵渟萬里平儔失三山古墨腥振
衣求浩淼滌腑納松苓不襲丹青貌如蜺截翠屏
皇甫圖高士調飢恥粟瓶茅茨裁至性嵩華謬真形亭
伯宜苗裔長康泣尹邢攜來湘浦上鼓瑟助幽聽

枯樹

動生宣武歎老去節仍堅鸛鵲空山影莓苔百尺煙春
遲韋杜曲客夢斗牛邊坐歇韶華久何人閱歲年

雪二首

爲瑞嘗盈尺翻簷勢不停添裘殘夜酌撥火閉春扃冷
逼中宵曙香通御苑青關南鴻路永旅夢必須經

密與花兼麗飄聞午自輕歲華今日滿天意萬方明辭
臘迷燈影先春助柳情出門吟思好蠟屐趁時成

同龔芝麓姜如須張爾唯姜酒民集曼寓卽席分
賦

燕闕星初動秋庭容易招鳳毛酬賈至鳧影戀王喬

令入都
候考

珠斗題行遍關河夢不搖讌遊吾黨事車騎莫蕭

蕭

過浣花菴贈友蒼上人

趁雨尋春舍分林過鶴池一叢山水在霞屐鳥虫知白
衲催朝音潮隱青鐘滿夜思野情相憶好貪忘拂衣遲

宿通州

不遠京東路其如舊俗何漕渠雲浩蕩農務日蹉跎長
夜鏡簫滿孤身涕淚多儒流終莫補未得比橫戈

發豐潤

仲春驅蹇客北海厭兵年事業滄桑裏形骸藥裏前忘
機馴鳥雀避地選山川旦起聞清角何人不泣然

榛子鎮

勝槩登車日洄溪近百盤買山知計拙閱俗信行難岸
柳千夫淚晨風二月寒神京還可憶漸作故園看

七家嶺

自入遼西界人煙倍鬱森鳴鐘開畫市停雪亂春深酒
味寬窮塞鏡歌損靜心河梁遺響後惜別到如今

盧龍途中雜詩八首

靜陽堂詩集卷第十五

五

北平非僻遠封壤帶邦畿武偃詩書費年深盜賊微好
山宜命騎落日免沾衣孰識勞生理何時悟息機
不有兼旬役寧知夢想勞石危車路曲風勁鴈行高笛
裏頻邊月松前得夜濤經生徒自苦孰與勒銘豪

男兒名未立出每帶吳鉤海畔因多感城陰似舊游世
方輕半豹吾欲下羣鷗漸逼夷齊里清光萬古愁

青郊俄改色鳥道出平沙列炬投春館移尊就戍花拊
時宜顧影對容轉思家賴是寬文網登臨興不賒

近有天涯句何辭塞上行旌旄開大域潦草厭餘生霑
洒青山薄呼鷹白漠平看他游蕩子射獵盡知名

鶴去層城暗，龍蟠萬嶺長。國風先步伐，天道各馳張。
年譜飄蓬盡，交情覆雨傷。關心小兒女，隨我夢漁陽。
入關多近戚，馬上揖珠鞭。赤纛團行塞，黃羊出御筵。
經過容可老，飛伏計難全。欲折青青柳，含凄未敢前。
輿圖詔我夕，擊柝隱荒屯。十里泉濡袂，三更月過門。
有身憂父母，無力賦田園。喜見干戈靖，生還病不論。

發盧龍二首

山郡堪吾隱，征車恨屢催。長河禽影沒，勝序柳條開。
年貌衰悲喜，詩篇戀草萊。探懷無俗趣，最憶首陽臺。
署有三松樹，龍虬不記年。清歌恒卜夜，佳氣故臨邊。
驚眼春將暮，離家路幾千。每思劔石壁，漫滅畏桑田。

同陳路若坐兩

積雨連三伏，城南有素心。潦深妨躍馬，堂淨許攜琴。
隕岸通鄰水，垂花合暮陰。爲園功未就，池上只閒吟。

李舒章夜過二首

爲客周星紀，逢春憶柳條。好爲羣婦走，安待小山招。
時命同窮鳥，交遊指敝貂。欲徵豪舉事，顧影不能驕。
芳日閒畱騎，清林夜試歌。道能銷戰鬪，心不離江河。
竹帛輸入久，烟霜閱世多。隴西傳舊族，射虎技如何。

芝麓舒章爾唯敬哉玉叔蘊退過集分賦

燕麥淒然地，何令客子繁。文心開上國，古色照西園。
生豈鴻毛重新知，狗監尊春風。瑤草發懷遠，意空存。

秋日雜詩三首

生計還吾拙艱虞易白頭不才蓬華喜欲去友朋留山
色遙連鴈鄉心日倚樓漸聞兵事解吳會有安丘

一室常耽僻車塵不染心行歌開夜壑移席動秋禽
宮城色風濤客路陰遠慚辭世侶服食尚浮沈

耦俗應多疾經旬事藥鑪中年豪氣減北地雅人孤徑
灰恒存菊天空好縱鳧淚痕吹不盡無復賦名都

酬陳彥升二首

東國嗟多梗征軺息仲冬茫茫愁洗馬落落臥元龍豈
倚清班貴行爲大雅宗盛年難再得相約採芙蓉

泛宅辭吳嶠憐君備苦辛途窮天北路氣盡眼前人用

靜陽堂詩集卷第十五

七

武詞章絀娛生節候新塵埃多俗物龍性不須馴

冬夜二首

一燈虛翠幔寒甚不勝裘風雪留日旌旄望愁泛

交容組紱時態倦驂驅往事誰堪說窮年付遠遊

短髮風前歎何鄉卜草亭戰旗遼月白歸舸越山青野

色來殘磬孤眠散曉星賦才無自隘顯晦總須經

王覺斯宗伯攜酒見過二首

隱吏門常杜高軒近數過素琴山自響蔓草日方多南

北迷征馬衣裳雜荷戈春陽猶可待相視欲如何

流行驚石火俯仰盡遺民花暗宮城柝杯深雪夜人擊

蒙繩墨廢忘分蒿蘿新忽話曾遊地東吳采白蘋

爾唯彥升寤雲芥菴南塘置酒見餞賦謝三首

晦景吾當別良時酒不嫌狂難專阮籍恨欲擬江淹巷
鼓頻催騎春星待捲簾勉旃匡濟略休慕野人潛
席前三四子吳越美名人絃管凝清畫盤匝奉後塵容
游心漸冷陰長道方新試問炎炎者終當賤隱淪
病許憂天劇心從去國閒相過悲遠別孰與賀生還玉
饌蒙加禮銀箏得放顏異時如見憶綠草遍鄉山

王文孫大金吾招餞

暖室梅初綻嚴更席再移鑪香開畫障箏柱寫春詞將
隱還求友爲懽貴及時家山南望阻吾醉復何之

泊水席上同玉叔若侯作

靜惕堂詩集卷第十五

八

曲宴畱賓處高吟屬大家物情終易見別路豈無涯山
霧聯春騎戎旃隱暮花飄零殊可念鴈影逐杯斜

畱別劉元公給諫二首

骎髒談交道劉生樂府篇十年同肺腑一別悵雲煙香
藥存清賞經綸式鉅編晤言難遽卜鴈札仗頻傳

分較多才傑君真相馬人

時方入禮闈

霜飛清禁曉花發帝京

春好客憐垂橐隨時慎逆鱗臨江門下士安免涕沾巾

謂機部老師

酬謝咕雲都督

藹藹東都送情深有謝公殊方矜把臂餘喘恣飄蓬軍
旅終須學小林豈易工日邊勳業盛畱我聽賓鴻

候舟暫住天津二首

春分冰始泮遊覽意蕭然碧樹融樓雪洪濤進酒船勝
情灰北路詩法徼新年何術諧真隱藏身社鼓前
天津形勢好百里近長安海雨鮫人見沙庭馬蹟寒兵
荒途九折存歿恨千端有意憐歸客無令杜宇殘

畱別張爾唯二首

愛我因開逕中宵致酒漿漢儀嘉會得越絕隱憂長避
世宜農圃占天混雨暘同心如蕙草誰與惜馨香
大道驅車出相逢有後期葯房春信切鷓序客星移拙
宦盟終好驚人句不宜須看上林樹鷹隼在高枝

贈王覺斯宗伯

靜惕堂詩集卷第十五

九

書家文待詔畫學董華亭濟勝隨縑素同工特典刑河
流天地白嵩嶠古今青名位將無掩清徽播闕廷

天津城外甘露菴

海隅開紺宇一宿可忘形水湧蘆花渡金書貝葉經石
陰風慢古雲氣佛燈青願借空王力常令劫火停

德州城外對月

濱河春倍熱適遠夜停眠鳥宿陰星密魚跳去浪圓魂
消殘國柳心切渡江船不解金波好時時照淚懸

分水龍王廟

劈流資利涉設險頌神功陰火雲旗下蘋香貝闕中蛟
螭森畫壁沙土潤靈風所遇多奇蹟吾終逐轉蓬

孟城夜泊

古驛多臨水，虛窗獨愛雲。按圖江北盡，屈指日南分。書札親朋少，軍麾遠近聞。吞聲常旅宿，沙雨更紛紛。

初還故里有感五首

孤身真似客，萬事竟全非。無鄉井人間，有蕨薇廢城清晝短。深水白鷗飛，繞樹幾三匝。方知故侶稀，北郭經行處。炊烟暮欲斜，乾坤容短擢。草木送悲笳，萬死酬歸志。諸親慰喪家，隨人間閒事。彷彿類天涯，僻郡當吳杪。何緣涉戰塵，腥風多惡歲。敗屋少完人，散馬谿流闊。收兵父老新，得還真自惜。不敢怨征輪，數載灰心後。重樓溢目中，疎星波正白。枯木火猶紅，急

靜陽堂詩集卷第十五

十

鼓貌貅動，遺黎歲月窮。後人還弔古，淒惻冠江東。舊物餘無幾，書臺瓦雀行。千門空樹影，徹夜起砧聲。炎日桑麻緩，晨衙劍鏃平。好因悲哽極，重見故都情。

馬培原施仲芳夜過舟中二首

海裔煩蒸地，湖流黯澹時。不堪經夕語，各有七年思。塔勢喧樓鷺，峰陰偃夜旗。幸畱同好在，瓠佩得相貽。草具聊成供，綢繆故舊情。鐘鳴溪寺晚，月暈柂樓生。毛髮愁中短，江湖酒畔明。夜深情不寐，吹笛衆山橫。

贈培原二首

晦迹空林裏，迥然得晤期。家隨桑梓廢，心向甲兵疲。湖邑秋蟲早，山園客竈移。夢迴青瑣事，天闕夜參差。

不謂南陽宅翻垂白社名佛香涼火爭農墾夏雲明終古幽人吉虛生長物輕欲言還自默剪燭對深更

右吉文可同過值兩

伴侶欣相得維舟近草菴殷雷初解熱急雨更鳴潭往代吳宮賦神州晉客談重陰方未釋日月爾何堪

吳郡間居十六首

適意當三伏清虛對石屏閉門疎雨白行藥亂流青草水生甘腐山河勢未停有家聊自足書劍莫飄零頗覺懷歸好南天富友朋道看雞黍重密愛蔦蘿能兵事艱完壁清流喻履冰華亭無鶴唳此感最填膺甫里名堪托嗟余同調人一椽開白水浹日混青蘋運

靜陽堂詩集卷第十五

十一

屢過鋒鏑天寧恥賤貧曾聞鉤黨事哲者貴全身取徑分沙衍山塘一櫂偏荷深停夕鳥樓敞落寒泉錦石題名久金龜換酒傳淹留風日美兼仗主人賢生聚茫無定行遊豈盡非關山衣帶緩風雨橐金微往歲青驄馬長天白羽旂安居吾事畢戶外任翻飛大壑迎秋漸平臺映坐斜娛親多歲月入室罷咨嗟水路通幽客蟬聲落晚花無言倚城郭乘興卽烟霞據事誰無感微心各有原一杯澆粟里雙淚落文園生意攀枯柳窮鄉聽夜援最愁筋力盡終負恩翠幙溪蒲短青蘂雪藕香禽魚蠲夙疾池檻進微涼露氣三江合山形萬井長人烟欣接壤不復似他鄉

佳事闔閭城。寧歌舊有名。獨眠秋水宅。高詠麗人行。虎
阜虛燈市。花洲憶酒棚。懽場多作夢。習靜了殘生。
蕩析家居後。窮愁每見親。微星占傲客。瘡鬼狎文人。方
技無良手。詩書止子身。尚看餘勇在。踏遍五湖春。

蒼生懷未已。舉目見塵埃。過國緡錢盡。從天

來林

廬姑健飯吳。越莫登臺樂土空。前詠煙萬里開。
出門恒謝病。一圃自成游。松響抄書夜。帆輕折芟舟曲。
廊栖畫鶴古。水照潛蚪隨。分休勞攘東山未。易謀
近况差安穩。惟嫌酒甕虛。好天時命妓。淨几不停書。暑
退思黃葉。囊空走白魚。成名真細事。身後竟何如。
不才資砥礪。同郡有諸賢。陸子歸田賦。俞生客難篇。移

靜惕堂詩集卷第十五

十二

居烟火。隔失職。坎河全安得。雙黃鵠。高飛坐爾前。
名園踰百載。礪磳轉移情。疊嶂穿藤黑。分渠瀉鷺平。旱
雷收遠勢。海日射餘明。俗子捐除後。炎蒸覺自輕。
地本吳臯勝。人於史牒聞。要離祠上草。梅福市頭雲。結
屋松篁喜。還山僕隸勤。閒來逢野老。痛定說官軍。

朱雲子攜酒見過二首

吳郡風高夜。憐余旅食偏。花清移釀就。地迥賦詩傳。山
路愁聽雨。溪光好放船。杯闌君更去。獨對九秋前。

雅席丘墟後。幽堂蟋蟀中。雲泉堅舊好。月旦起良

工雲子
近選

詩明
葵麥歸何晚。琴書道漸窮。扁舟當報訪。乘興待丹楓。

吳魯崗招飲同駿公令修作

海國修文地，銷兵信未訛。相逢神澹黯，欲語涕滂沱。水榭蒹葭入，秋吟絡緯多。自拚泥飲劇，休問夜如何。

虎丘秋夜紀遊十首

挾膳投山郭，迎流仗榜人。石高雲半出，林靜鳥相親。酒炙忘多難，煙波得好鄰。勝懷隨手盡，不復計千春。燭暗趨新月，環城沸萬家。歌絃吳岫碧，舞伎越羅斜。維坐侵壇草，窮宵拂澗花。告歸仍是客，垂首羨栖鴉。夕霽驅吾出，崇臺漸可登。蛩鳴秋碣蘚，葉照佛龕燈。香雨千人席，仙茶上院僧。近知行樂好，密約荷良朋。時令當蕭爽，羣山作澹容。世多昏白晝，吾得撫青松。陰井如鳴劍，平巒直廢筇。最愁風雨後，夜半有蛟龍。

靜惕堂詩集卷第十五

十三

浮觴恒選地，孤阜最經過。力倦沾欄檻，衣涼出芰荷。晉祠靈氣少，吳曲曼聲多。自愧英雄盡，長如粲者何。從衆無能事，看泉我獨行。雲開沽酒慢，樓起賣花聲。疊石披裘冷，空荷倚杖明。懽娛長此日，五嶽正須平。儉歲盤飧重，羈人供帳微。但看餘息在，敢謂一丘非。積水喧魚鬣，虛亭健鶴飛。游仙如可嗣，縹緲問支機。殘暑猶相命，風林步不辭。橋懸驅馬澗，松濕抱猿枝。山尺齊生月，菰蘆晚到池。秋期游詠暇，天地復何私。袖金風下，高歌玉宇寒。適當游子散，寂寞數闌干。七里登臨路，聞鐘得講亭。霜橫千雉白，花謝一峰青。密

葉藏鄰圃澄湖汲曉星尚嫌離俗近吾志欲滄溟
遊治平寺

已登湖上閣未識定中僧孤篠穿雲鳥平山印塔燈魚
龍清聽法鐘磬夜懸冰不遠城南路秋閒興屢乘

不寐

湖信頻傳警嚴軍令不諱停眠聽宿雨倚幌待歸鴉
病日名心短燈前鬢影斜卑栖多悔事愁對晚來花

聞芝麓有入吳之信過期不至詩以懷之

海內兵徐解天邊信未明檣烏淝水渡沙柳泰州城友
誼衰時急懼場客命輕遲君漸南下莫待候蟲鳴

初地菴訪文可上人出新詩見示畱贈四首

靜怡堂詩集卷第一

十四

憶過精藍宿於今十五年竹陰湖渚淨燈影夜堂圓出
處天難問安危運屢遷城東秋草路相視各茫然

樵李連兵後巋然止佛廬斷煙行客少野水閉門居訪
舊還聽法懷歸許載書多君能念我聯榻叩清虛

舟發寒塘口重來別易驚草萋吳子國風急禦兒城往

事憑詩史高吟滯客程碧雲天際想落落見平生

時余以
武林行

此過

雅道淪亡久羣污楚國塵盡排流俗議重起杜陵人濁
世林泉少殘年雨雪頻効規良友意慎勿憚艱辛

贈見源上人二首

源公居淨域詩法有傳人春雨開深竹湖梁納近津入

門闥共隱畱客未爲貪身外無多事幽期晚見親
七十神猶王儵然色相空心清文詠內頭白亂離中水
郭穿香逕天花下夕風非君談幻理身世恨無窮

送吳元長還金陵

計日梅花發雲帆又獨行投山雙屐遠玩世一身輕海
岳間關路衣冠慘澹情君家真易識大道指宮城

虞山道中三首

冬盡游偏好風帆竟日斜海雲開畫幔漁火出青沙吳
詠須從衆冰天正別家讓王遺俗在斷髮重咨嗟
荒山臨極浦都在縣城西檜葉風霜飽湖陰鴈鷺齊出
門時易邁放艇路將迷轉自逢年後居人厭鼓鼙

靜惕堂詩集卷第十五

十五

獨宿多虛照津亭喜乍經洗心同拂水畱影待疎星過
客帆檣遠寒山日夜青不妨塵世裏來去作浮萍

虞山寓陸氏園四首

繫纜求山徑西風過石橋對人還弄酒高枕得良宵白
草搖鴻羽黃雲凍柳條最欣兵甲後物色未全銷

卜宅羣峰下頻年寓客來城陰飛鳥盡池上野梅開蠹
屐商登眺詩篇潤草萊山行當領要敢乏謝公才

北陸何多晦南江不盡雲偶過虞仲宅難嗣子游文石
戶溪流伏松濤夜漏分殷勤看地主招我作同羣

平居稱好事暫住必山林暖牖花初發中天月有陰徑
偏黃鳥入人到綠蘿深歸櫂倉皇裏長畱下榻心

游虞山雜詩二首

登陟心難倦，遷延歲略過。身親惟短褐，興盡盍狂歌。
路轉青林出，山空白霧多。築居殊得策，終柰旅情何。
海隩占佳壤，嵐光隱几開。元冬枯石笋，錦樹插書臺。瀑
水經時涸，高人隔郡來。動令塵意絕，野鹿過蒼苔。

歲盡獨酌二首

虛戶冰能照，幽人夜未來。鵲飛頻警霧，花發漸臨臺。執
賞相如慢，惟增庾信哀。濁醪渾解事，愁抱故須開。
免誦優游語，能銷凍餒心。桑田還改歲，畫角有餘音。江
外春暉早，窮來客路深。種瓜須定計，休且學浮沈。

靜惕堂詩集卷第十五

靜惕堂詩集卷第十六

樵李曹 溶秋岳著

五言律二

戊子初春試筆四首

遠地休兵事中吳得歲華壘殘空燕子物換已椒花元
會虛鳴佩移居憶喪家依人真與盡尊酒在天涯
世法從灰冷都無往日情禮難調末俗天實誤書生晴
罷聞幽鳥春來對古城迴看名利域鋒鏑太縱橫
永息還山駕貞心誓匪他避人操翰墨倚醉望星河節
物鄉城近才名少賤多失時追惜晚樂事莫蹉跎

靜惕堂詩集卷第十六

一

有傭書約曾無負郭田此邦貧可老舉足見山川

人日同芝麓作和杜韻

旅舍淹行跡尊前改歲時風花開幔至山郭泛舟遲病
益修詞拙生多棄物悲更逢人紀日愁絕命如絲

楊扶曦見過別後却寄二首

漂泊金門侶惟看給諫存宅傍春草動城外海潮昏月
枉寒暄問心懷雨露恩慰生無善策相勸只芳尊

有客乘青雀吳宮訪病夫聯吟堪卒歲一哭見窮途地

隔滄波晚霜飛蕙草孤曾同

日灑血向青蒲

春日芝麓見過齋中畱飲竟日賦詩紀事奉贈五

首

末俗多猜忌歸山好讀書鼓鐘迷郡郭栝栢冷齋居諍
友勤相顧清尊愧更虛浮踪堪寄傲悔晚擲金魚
莫爲萍梗歎酒會逐時成桃塢停賓騎春林減宦情微
風香草茁新雨鶉鳩鳴軍務閩中急三吳喜乍平
獻節邀雙屐風和興可乘花堂深擊鼓晦日借張燈池
淨供流墨觴多助拊膺流光拚自放勿復畏青蠅
吳丘饒景色堪洗客中塵麗日燈成市繁城柳帶人談
雄金馬辯醉映玉山春自識窮通數君平卜未真
凍藥開方畢疎籬闢更寬人愁輸燕雀代謝惜峰巒賦
昵王筠讀居同范叔寒無譏荒宴失瀟灑對君看

酬申維思二首

靜惕堂詩集卷第十六

二

古巷微燈夜長箋密友書病懷貪避客物理合窮居樹
暝吳星聚天遙漢時虛幸堅來往約春色滿衡廬
不淺風人旨呼余鄴下生才難陪後乘亂豈貴空名門
暗艣艣雨寒深薺麥城論文差慰意惆悵俟河清

聞申旭菴有和余詩未見枉贈戲簡一首

亡是寧重賦傳聞總異辭春屏宜蠶尾花墅憶烏絲交
道長安切家風上相垂無因虛置醴不復寄新詩

前旭菴見招余

不克赴故及之

芝麓再過四首

挂冠貞白子飲酒信陵君寄托聊相似王侯不解聞北
山攜友別東海卜居分共歷勞生味淒然覩夕曛

聞日權相接君能不速來。羶裘驕薄畫蘭圃。坐深臺玳瑁裝絃甲。屠蘇聚酒材笑時。還染翰特地灑莓苔。城閣要新霽。籃輿合盛筵。園蔬霜後滑。春火夜深懸。麗句爲人得。兵時喜自全。無忘金石計。努力在當年。話舊頻移晷。爲家隔暮林。露侵魚鑰動。月射虎城深。絕惱金吾禁。空傷醉尉心。挽留知未可。寂寞問長吟。

酬申旭菴四首

往哲推全盛。師臣道未遐。鳳毛存舊史。燕翼見名家。雪鼓中江舵。星繁乙夜花。相從多樂地。倦客亦停車。經術論專學。傳詩失萬人。用漢中公鬪爭餘晚景。歡暢入初春。玉友徵連萼。朱門見掃塵。盡空簪佩想。脫略更情親。

靜惕堂詩集卷第十六

三

京國交歡久。樗蒲每夜分。耽狂齊得喪。娛老恣烟雲。畫棟遲栖燕。長箋記錦裙。尚矜羸卒在。旗鼓欲當君。複館排燈讌。因余懶未逢。樽壘迎素月。檠戟冒長松。鐸冷巖城幕。天清隔水峰。重懷陪末座。授簡莫從容。

飯芝麓寓園四首

清夢非塵境。禪心一夜聞。整衣將事佛。進食又逢君。止抱周顛累。曾嗤范縝文。悟來花月影。不礙野鷗羣。郊游剛再至。習懶不知非。盪漿青蘆密。當軒紫鴿飛。流年多悵望。邸舍獨芳菲。饒說江南樂。常看客子微。小劣停杯久。須君酒政寬。心忡多禍變。興到且盤桓。雨後鶯花澀。山中天地寒。遠懷諸舊侶。強半尚彈冠。

急檣浮湍水邀余晚入城雲林安獨宿藥石過微牛諫
浪時人駭徜徉造物平所期同曳杖春氣越江明

酬申青門少司農

旅處懷名德清詩席上來風迴涼筵永香識紫泥開夕
箭飛城鶴陰霖起逕苔會當陪杖履同眺古蘇臺

酬芝麓兼約武林之遊八首

城南多白馬城北自青霞東解糟牀急溪農釣艇斜揮
毫端謝世拂袖并離家驚我柴門色迴風落晚花
此生甘素節夙世謬清班泛宅同春水容身即硯山樂
郊農務集軍府戰旌閒攬蹟常空闊無殊海岳間

清齋堅自矢觴宴引婆娑履齒當春奮亭臯帶濕過退

藏心易了厭亂語終訛昔有居閒者時爲老驥歌

一嘗樓護鼎遂好邵平瓜褊性難諧俗高明爲隱瑕積
陰欺毳被繞屋就山花畏事成孤坐常令日影斜

鳳輝希世見何物遽張羅郊觀紅雲繞廬江白石多望
鄉情漫切去國意云何勢已瘡痍甚君方廢蓼莪

好閒能似我終日少逢迎曲嶼偕僧飯虛篷待雪行漸
疎京國侶饒有離情俗態恒相伺如君合避名

驛西通攜李淒楚不堪前疎井攢金角飢烏下石田景
分遊笈恨心向客兵懸倘及春和在飛花警晏眠

閒窗緜古牒宇宙幾西湖潮信晴通浙笳聲晚到吳山
靈皆地主文士少窮途商略探幽曠詩成失畫圖

答俞子虎臣二首

吾郡中吳越人文拔萃稀衆才筋力盡萬事甲兵非後
進增神王相知本貴希未虛投謁意欲贈北山薇
潛夫應共棄珍重慰存心世法輕神駿家聲嗣玉琴湖
園開晚眺塔寺勇秋吟貽我芬芳佩湘沅托興深

酬駱天遊二首

不見牆東隱涼風水郭中老方驚世換人合與詩窮入
社娛醇酒知幾學轉蓬鄉城紛聚散君莫笑梁鴻
片帆過樵李人物在菰蘆學道曾相勗爲鄰自不孤風
塵銷大藥歎息滿長途爲問蒼茫後蘇耽鶴有無

白門遇黃觀只值其被事初釋十律志慰

靜惕堂詩集卷第十六

五

粉里齊名後他鄉又一時周顒應佞佛庾信莫論詩替
力剛無補憂心悄自知更生真僅事不訝得歸遲
江夏無雙客長干自古愁溪花浮宿鴈城雨進輕舟住
世詎諧急忘形麴蘖優乍逢悲季子空見黑貂裘
事往乖多算身安且索居天空張儉壁血盡魯連書薄
鬢塵沙改經年雨露疎興來閒攬物鍾阜復秋初
默數填橋約微茫已隔期適逢觀只初度
為七月初九晚凉山容喜長命
吉人宜柳色銜歌舫秋聲動夜碁似君堅獨處桃葉至
今疑

偶就君平卜何途寄此生人沾新國酒夢入故園晴車
騎三山月川陵六代城年華銷未可雕鶚重橫行

相見疑無日，傷生戰壘中。不虞陶令返，又哭阮公窮。
釜食江水寒，衣過漢宮好。畱樵悴色一，櫂對秋風。
解網章初覩，投山氣自長。龍關朝挂席，鴛渚夜浮觴。
人去漁樵喜，家貧筍蕨香。正愁多動理，名在駿臺傍。
濡難能無損，君真曉事人。老親添白髮，稚子失青春。
隱覺文爲累，身逢世屢屯。且隨諸狎客，舉酒弔齊陳。
鳳毛初映座，憶昔共諸生。仕版讒幾死，邊風冷獨行。
得潛神鬼力，同患友于情。遠道今相向，何勞採杜蘅。
孰可娛人意，金陵逸事多。徒然安石墅，終讓莫愁歌。
獨寐沈吳月，將歸細楚波。正資陶寫急，哀樂奈公何。

報恩寺三首

靜陽堂詩集卷第十六

六

服馬當炎暑，南山色自寒。長林邀客返，古殿出兵殘。
金碧開天宇，龜龍繞御壇。敢詢何代勅，俯仰意空闌。
淨域參雲外，鐘聲近隔城。琉璃懸日月，松栝助生成。
劫火天難問，虛廊鳥獨行。憑高聊騁望，葵麥更凄清。
曾聞登祝使，歲歲走中涓。墨寶畱僧碣，官花冷佛筵。
數隨空理盡，蹟豈陣雲遷。日暮香臺上，安心許問禪。

禪房夜坐二首

石上談經罷，蕭然見客踪。竹斜深得月，地僻曉聞鐘。
寒暑身俱老，疎愚世獨容。江城秋氣爽，幽窟臥驪龍。
襪被長干寺，南游故自豪。星浮金塔火，門鎖石城濤。
晚飯炊菰米，空庭落鴈毛。從時衣短後，垂首對方袍。

寄右吉兼詢移居二首

四海還求友同鄉轉索居邇來應訝我不寄數行書事
業漂流短干旄臥雪虛買山新卜築消息到征車
出郭金沙軟臨湖碧草秋傾家存釀具畱客試漁舟無
力銷兵氣將身散遠愁水城形勢少惟與逸人游

石門雨泊四首

冬熱翻成雨興懷客艇前止戈畱靜夜移石見歸船道
在經綸誤家貧杞菊全深杯方浩詠相勸莫高眠
生世纔踰壯寧知萬計非固窮迴客榜浹月變征衣寒
望旌旗濕身隨道路微賴多嚴邨遇止宿共漁磯
人聲囂漸止晚色淨篷窗病欲裁遊屐醒偏厭壁釭衣

靜惕堂詩集卷第十六

七

冠侵異俗風露急空江寂甚違鄉久閒鷗每自雙
放情同槁木造化轉優容失學丹砂誤多才白髮重叩
舷依釣叟捲幔得寒峰遵渚還鳴鴈羈人倦屢逢
贈陸子祥二首

經義劉中壘名門陸鬱林離家來別館向我急知音晦
朔編詩美龍蛇學道深賢昆松檟路舊恨一沾襟謂放度也
相聚寧無地翻憐再世寬褐衣逃俗久書卷屏人看季
月舟航動名城霧雨寒羨君堅佛理酒社只蔬盤

喜陸子至二首

爾自梧溪返行裝又黯然烟霞明痼疾蓬艾老江天道
大無窮達家殘僅簡編曾中金石語應置赤城前

將有天台之游

叙族昆陵舊談詩魯望長傷時應削藁及我見升堂久
旅親江舶深杯皜夜霜挽衣休問事

轉蒼茫

問朱雲子疾二首

慘淡山中信微傳胃病新養生眠食重經亂坎壈真詩
自移居少家還貰酒貧出遊須努力春阜正嶙峋
叔寶膏肓少文通恨別兼寒流當藥竈急雪下茅檐夙
有青氄貴難堪白髮添會看投杖起醉語快掀髯

簡若撫二首

武子橋邊客衰顏七十餘山川環座響甌釜避兵虛訪
我時徒步交君即異書春宵多讌好不復歎離居

自矢林間約從遊不厭狂隱堅秦角里詩出曾靈光魚

靜陽堂詩集卷第十六

八

烏東南樂旌旒禮遇荒何時操雪舫闢草一登堂

雪夜二首

水鶴飢仍語檣烏泊故遲皇天消惡歲爲客費鄉思學
圃輸田父移舟近酒旗瘡痕垂盡日瑞色正堪疑
掩扉初入夜聯榻竟忘眠霰集鷄栖後山明木落前閣
寒雷宿火湖凍響歸舫肅殺知相感酸心競武年

贈願菴二首

願公忽垂訪告我還山期坐見秋草落不知時代移鶴
來曳杖闍鐘罷晨齋遲拔俗倘相許出門何所疑
丘菴東郊外一榻當溪流野圃見花遲晚香隨佛樓輞
川捨宅晚元亮止酒愁世外轉離索高天徒悠悠

灌谿移饌過古林是日大雪三首

好道雖耽寂爲鄰未始遙吳城催麥浪寒食近花朝愛
客行厨美生今病骨銷芳心聊可象弱羽托蘭苕
啟戶聞良醞難期又雪花隔谿清自響出柳綠還斜令
覺陽和改人逢讌集嗟春庭相慰罷飄泊竟天涯
作達羣相許神傷究莫痊哀時同昔日敦好見諸賢擊
柝重城兩圍鑪二月天且知栖息穩不願有烽煙

送何氏北上二首

酒滿百花稠看君上苑遊文星春拂劍客思鴈連舟入
應賢良詔行消草澤憂尚多離別語一夕正須留

下國長征始新恩選士偏風雲來驟馬河洛見啼鵲得

靜惕堂詩集卷第十六

九

路期知己趨朝本壯年金門投策罷極目舊山川

飲生魯邸中三首

時生魯觀
畢將還

客病何難愈君情共酒濃玉沙遲見草金闕冷聞鐘借
約東方隱誰希關內封夜涼遊不倦燒燭照邊烽

內苑新鶯好催過恰晝閒喜無官妓禁得放旅愁顏花
早來冰市星高動暮山相畱休太苦酌酎直須還
京館戎戎樹鴻天羃羃霞不眠知塞角相歎在宮斜鞞
玉朱城迥迥轅絳節還已看行色動暫駐慰無家

飲岳朋海學士秋舫齋題贈六首

郊南稱最曠野水面書壇蒲稗春能綠鴛鴦晚故寒背
添涼檻勝來放酒船寬狎坐陶深詠逢君下夕鑾

狂愛花連屋游將杖訪君芳洲開宴入清籟越城聞磴
曲行幽鳥天晴捲夏雲那知鄰禁闔浩淼白鷗羣
蒼蒼朝霧引到此不能愁源豈桑河借人疑灞上遊風
漪帷幔濕塵市菰蘆秋已縱高臺目還思枕沆流
不減秦川興爲廬選漫塘踞牀沙柳見入直釣艇荒僕
御勤栽藥杯鎗屢罄囊謂予無俗計嘗許到滄浪
錦韉池邊出銅扉見日稀袖香垂澗草壁粉照漁磯石
漾青泥暖山連白鷺飛避囂多至理詠賦屬王微
地改繁城邑窗迴大壑陰興移無渤澥飲罷即園林花
外聞征馬書成少賜金固應蒼珮者嘗有五湖心

清明前一日同孫北海王文孫過許氏宅看花用

騎字三首

靜惕堂詩集卷第十六

十

無衣寒食節獨立詠新詩猝枉懷中啓來窺處士籬迂
途行不厭束組意俱疲更展他朝約芳臯並轡騎
禁火何王事淒其繫所思鶴殘華表翼龍怨鼎湖騎閭
里空花藥春風又羽旗舊交情最切今日不相離
淑氣今宵甚幾同偃武時微燈明接葉急管落高枝籬
許山公倒船如賀監騎隱人看自勝得果出郊期

從胡此菴借書二首

旅室閒難遣南風作晝涼氣通松障濕泥落燕巢香退
得文章力交堪貴賤長封題來玉署藜杖有餘光
未得栖真訣先披玉洞文烟霄春鶴健嶺月夜笙聞螭

陞仙何異龍門道不羣通明賓客好並坐躡青雲

書中多道書故

送米吉土司訓冀州次王敬哉韻二首

飲馬桃花岸春沙動北平送君子在客賢父子能名

吉土尊人

爲友石先生

茂草青袍色天風寶劍聲百夫雖有長未足勝書

生

拂轡恒山入儒宮枕碧岑琴鳴春殿冷柳別戰旌深世不移文德官仍契逸心相懷前路近黃鳥寄高吟

沈石友招同丁覺斯張坦公酣飲坐有數姬歸賦

二首

不雨今年熱言尋故友家長庭山氣碧密坐燭花斜見

靜惕堂詩集卷第十六

十一

月齊歸馬停杯遇晚鴉吳歛聽自好未覺滯京華
野性常高枕多君數致書狂吟安足取醴席動無虛玉
管飛春雪冰盤饌海魚雷髡寧有意滅燭至更餘

王文孫新構書齋二首

城闕新遷後艱難隙地餘選花穿逕小列石映牀虛不
忘幽居賦能傳禊事書涼颺披拂便得酒便招予
晝下金鑾直庭開玉宇新碧梧殘暑去烏几逸情親坐
見滄洲跡天貽冀野春相過應盡興此外即風塵

酬此菴送別韻三首

留燕春復夏今始事征鞍拙擬親知棄離驚飲餞寬玉
壺浮雪酒綺席照霜紈別後涼風起先令客子寒

林臥求安穩於君獨繫思敢虛薇蕨志自咏鵲鴿詩翠
慢低官柳黃沙出女陣遲迴人不解非是惜臨歧
趙璧輝江甸龔車滯海頭定傳珍重意休遂薜蘿謀兵
後天衢關中年祿仕優如余真慢世雲壑縱輕舟

經劉伶墓二首

不信青蕪地真埋頌酒人古今雙醉眼魏晉獨全身鳥
下傾壺石花殘荷鍤春自慚清醒客過此亦停輪
達士終須死曾傳賦北邙竹林孤碣在麴蘖大名荒土
氣顏陽赤村陰宿草黃哲媛應共穴一笑尉猖狂

野宿

漲水懸車險田家借榻眠主人聞客至炊黍特欣然風

落長林暑宵鳴萬壑泉身閒真自笑隨處許盤旋

懷友四首

近說中台彥牙檣下石頭定攜仙樂部正值洞庭秋涼
動花明座尊濃月滿樓可能虛席待蓮葉共乘舟

懷芝麓

建國冬官急聞徵玉節還晉階高紫宿聽履上清班漢
道惟元老輿情豈故山迴光應及遠曲護子真閒

懷豈凡

構李風流士詞名遠近聞幔亭栽樂府粉翰出湘君湖
水鴛鴦闊秋船菡萏分美人如在眼只隔隴頭雲

懷右吉

博士新除拜槐官故自寒吳船愁預發燕關夢終難薛
荔歸田穩兜牟接路寬虎丘清樾下君亦念征鞍

懷介人

酬孟懼菴二首

衛國多風美新交得孟公碧山因坐晚清暑失尊空鷹隼秋能警松篁路未窮亂餘辭辟召跡與古人同

東吳蕭散士薄力謬稱詩法與諸家左名將故國私放船隨夕漲隱几聽寒鷗忽動高流憶相逢不恨遲

懼菴詢子詩故

言之

贈顧山臣二首

不作經時別安能數見過湖雲冬易合客詠夜常多久
坐銷丹火忘機長綠蘿定期兵甲解行樂在巖阿
長康癡勝黠求友獨情深肯枉塵中駕知予隱後心江
鴻栖繫權吳月照攜琴世網紛糾甚誰能慰陸沈

桐廬道中

靜覺堂詩集卷第十六

十三

細路循溪轉蒼然易夕陰城荒銜素壁潭靜帶孤琴野
刹烟中見危灘雨後深桐君如可遇便許擲華簪

欲上獅山菴不果

渡淹江客舫僧指睦州雲樂事飢相逼山行病反勤石
梯逢竹暗梵鼓下山聞空有重過約猿啼怨夕曛

聽僧談仙洞之勝

縣門青不斷遠訪卽丹宮石穴秋垂露巖花鶴倚風氣
深蒼梧壽晝靜乳泉通識路行應勇題名衆壑中

舟行雜詠四首

越東推勝地巖邑寄江濱岸穴常疑潦山寒不廢春豐
年銷虎跡夾浦出樵人避俗應畱此長林氣獨親

進艇成佳境斯遊可判年雲林迎翠幔砂竇落紅泉野
曠花連屋潮平月滿船近知兵禍解景物未蕭然
截流牽百丈最覺榜人輕岫曲歸橈隱潭深隕石明潛
身多暇日中夜滿鄉情酌水翻成笑窮源得至情
弱冠曾經此推遷感不窮亭臺多碩鼠天地幾征鴻石
可垂綸得山如夾鏡空浩然興詠罷重與倚孤蓬

申霖臣王心古同過小飲二首

求羊知我寂相慰不辭遐客竈無兼味深杯苦憶家雨
餘街鼓暗樓外越江斜近覺顛狂好誰能訪若耶
旅席相憐共寒更不易銷淪泉蘭渚勝踏月種山遙林
藪真同病鬚眉許後凋最貪今夕話莫待送歸橈

同霖臣遊塔山朱氏園二首

冬健尤宜晝招攜得翠林園中無俗物身到即清吟檻
爭峰爭出霜稀綠尚陰房廊增置美興比藪山深
豐草懸崖上幽雲閉戶中客因題壁滿山爲遶廬窮驟
雨翻簷鵲閒僧濾井蟲越城真可羨幾欲忘吳宮

西湖同心公夜泛四首

萬籟俱沈後何人共此幽煙城侵暝閉沙舫得僧遊清
磬稀鄰爨疎星晃閣樓從容拋俗慮卒歲許忘憂

晚步朋相待羈貧醉不辭寺聯花墅密寒聽石泉遲隱
姓畱梅福移筇愛客兒坐看橋畔月徐度白蘇祠

堤曲冬偏好霜嚴趁夕行林鴻栖斷渚漁笛見深更放

浪詩難減湖天酒共傾
厭聞寒雨急鐘梵助新晴
荒林圍遠磴數過復蕭林
水落因停舸山青獨聽琴
褐衣侵石冷蠟屐坐花深
佛鼓催人返無言自擁衾

同心公訪徐蘭生不值二首

客興真難盡乘幽到草亭
溪風閒不散山栲凍還青
閑戶求何點逃名信管寧
獨拳書幌夕歸槳對雲屏
高士游何處應門稚子存
危橋支壘浦古路出荒村
晚景蒼蘿密窮交白首敦
還期浣花叟他日倒芳尊

同元見心公兩夜即事

積霧生冬暖天心見一陽
佛鈴傳永夜竹路入閒房
兩愛新溪綠山連墜葉黃
似君多靜氣宜與話滄浪

贈陳徙侯二首

近停珠浦櫂復掃白堤塵
酒膽秋方大山裝賦不貪長
卿多慢世王粲恥依人
止結耽狂侶爲余正葛巾
孤城聞角罷蕭瑟滿關河
僧舍雷詩版霜花待榜歌
豔情經客盡歸思入寒多
借問鍾山色青葱近若何

山房夜詠二首

歲與游俱盡花因釀倍濃
兩湖清載雪獨客倦聞鐘
親舊書頻寄兵戈夢不逢
明朝看薄霽攜手上芙蓉
霰飛恒似晝暝色向人銷
碧瓦依寒雀青林咽暮潮
白容畱榻久不訝入山遙
慧遠新相識時時置酒招

遊陸氏山莊十首

久說西谿路來看竹滿村松高皆戴石水靜欲當門田
鼠期人過山鷄報日昏試拈新醞碧隨客坐籬根
孤閣懸蘿上新標處士家架橋侵列岫攜鋤過平沙菓
落從人乞籬成趁雨斜自畱南渡後山叟共繁華

舊日曾通札相要具野航貧因疎澗壑來便狎羲皇數
息存虛磴微吟徹曉堂同行二三子醉後亦清狂

市偏開嶂遠百頃步難周覆屋宜叢荔畝田待好秋亭
荒雲霧入夜關虎狼愁孰解拋塵慮陶然歲晚畱

沃土生多美臨崖玉萬竿疏根水流過吹簫遍山寒斬
伐雖無惜干戈喜獨安從君移數本平地作煙巒

身在梅花域南天雪未消苔痕分籀篆東影臥漁樵河

渚時移種鄰僧合臥瓢此廬名勝絕俗駕不須招

主人貪避世手自劬蒼煙藤蔓垂紅子巖阿盪碧泉鶴
巢書帙外樹老釣牀邊信覺長飢好深林取次眠

世無貞士畱棲任汝孤傳家靈運屐屐誇客朝川圖酒
競山流潔沙含菜甲蘇閉門幽意穩不問麥田枯

何年攜幼子買宅到高峰傍澗我無擇爲鄰爾自容楊
梅春後喫麋鹿晝深好景應題目難辭老更慵

一榻雲同宿歸心悔復生遲迴憐竹色顧盼隔溪聲洵
有乾坤別還令婚嫁輕自今通夢寐丘壑倍移情

自西谿還復游河水五首

山北重尋逕微茫那得窮阪田看過艇蘆葉冒深叢烟

火青沙外比鄰白浪中池塘春雨足閉戶作漁翁
忽聽歌欸乃不復盡山川秋落風頽岸溪平柳繫船家
家分水柵物物抱林煙耕作原無地爲農只晏眠
嘗聞兵熾日茲地不驚心盧橘村村熟寒梅處處陰泥
深迴鐵騎路僻隱栖禽鉅族翻相就蝸廬直數金
膏土沾秦望源泉近禹航花垂鳩哺子牖冷蜜分房發
權驚魚筍貪游遍柳塘中年多懶癖登泛豈相妨
窮遊因結侶暖景得乘船溝洫成墟落菰蒲入稅錢接
羅溪友看錦纜酒瓢懸假遂浮家願巖居未肯前
入北山深處二首

薄暮穿松磴盤崖路轉通竹深山磬冷鴈過雪樓空樵

侶時相引筇枝意漫同近傳多虎跡歸興轉匆匆
樹影疑無地菴居恰有泉溪冰危客渡石籟響寒煙翠
濕常愁兩山荒不記年未能畱信宿援鳥共愀然

吳郡春思十首

土牖敬眠後花間少客過日斜鄰笛近春潤壁魚多今
古無靈藥乾坤總逝波水鄉游更適相約買漁簑
慘憶

南來喜更生身同蔬笋瘦室向鳥蟲清未

老依童稚無家避甲兵林塘多逸趣酒醖對啼鶯

靜餘無促晷况值閏年臨水國徐鳴槳山堂妙鼓琴病
虛修楔飲箋待賞花吟流坎隨天運何心涕滿襟

閉戶忘形久芳原試出游野花閒看塔城雪冷維舟鶴

許文公放山因白傅畱道逢齊物我誰更憶窮愁
買燈須勝夜踏草又單衣景物逢予俊烟蘿與衆違城
深溪不細天闊鴈徐歸歎息中林邈無人見德機
好事看成性拚令鬢雪侵朱樓濠北暖碧水許門深愛
客賒鄰醞爲農臥月林祇愁炎序逼曦赫敗幽尋
自覓蓬蒿宅曾無濁世塵眼分嵐氣碧門對越花春陶
謝箴人拙茶瓜得我眞隱囊同蠟屐往往歷佳辰
世每嗤吾蹇寧知道不貧獵心歸自少詞友賤加親山
舫依殘兩香臺濯晚塵經過存故實剝蘚刻名新
從解簪纓縛飄飄狎野鷗百年猶有盡一壑更何求爛
雨憂花圃貪杯減篋裘五湖渾放浪短褐傲諸侯

靜惕堂詩集卷第十六

六

江左推風烈無慚耀隱文擬攜西子屨重上闔閭墳細
草曛晴日栖禽屬暮雲北山人盡出幽夢與誰分

贈沈郎倩 善詩畫

靜當門屢闔秋與客爲鄰拂座驚佳句同時得古人練
香山在腕風細酒無塵物外宜相托知君暱隱淪

送友

共住無多日言歸攪客愁雨寒徐穉榻花送李膺舟青
靄搖吳岫元猿叫越州念君明月夕獨上酒家樓

靜惕堂詩卷第十七

樵李曹 溶秋岳著

五言律三

辛卯冬日自吳郡移還故里文公以詩見贈率爾
奉答兼感往事二十二首

五載羈吳渚難忘故土情晚楓揮涕過北鴈寄書輕時
命同馮衍關河又屈平擇居三匝後地利在幽貞
寒谿風自落行旅恰重來弟妹貧相守乾坤眼獨開牛
羊巖助里邏卒野王臺此日堪懷古孤鴻起暮哀
去來非夙約大道本無鄰室定人今老悲成世轉新鑿
垣聞塞柝臨水待秋蘋孰解藏身理浮沈總未真

靜惕堂詩集卷第十七

一

失喜粉榆在流離痛漸衰地偏吟社少年去酒爐悲儉
歲尊薇蕨閒門避羽塵默然殊自遣莫令錦囊隨
百里煙帆近過從不恨頻鄉園銷戰甲花絮戀歸人賤
覺陰堪惜閒驚藥損神趁時成野服拏權采江蓴
盡橐粗營宅全家仰賣文每思持壁事長恥嚙毘羣日
黑蒿蓬起更長鶴雀聞追懷因廢寢皮相實紛紜
久滯交遊薄伊予自有家石堤迴海沫塔火助城霞時
至安籬菊門荒噪暮鴉春槎還發興不覺五湖遐
小築非塵世收兵得草亭檻花融臘動雲幔逐尊青菜
甲分鄰豎書窗帶遠汀三吳車轂地畱此作沈冥
五畝湖南宅初辭駿馬塵醉攜胥嶺月靜見越江春稚

子驕梨栗家祠足藻蘋自令軒冕異踪跡共遺民
密網欣蟬蛻干戈亦可行離家逢五閏將老伴孤城冰
雪形軀瘦滄桑歲候輕泥塗雖莫避變態眼微明
更信懷鄉曲含哀亦自舒瓜棚移暮雀酒榼趁行車皆
砌微連草瓶罍只置書孤生無一補縱懶更何如
我生剛四十肌肉歎旋銷宗黨貧顏駟賓朋醒蓋饒餘
齡甘佃作小隱代飄颻水郭周行後清思在柳條
歲華人共惜觸物見推遷鄰火寒春應蟲絲落果懸城
扉常早闔河蟹近論錢質樸寧踰此乘春且灌田
可怪羣兒語呼予李郭間姓名傳不得筋力正須閒緩
坐茸陰荔忘情遇遠山續紛燕市客翻笑鹿車還

靜惕堂詩集卷第十七

二

城當崩析後栖泊隱人初廢址存葵麥深濠長蛤魚土
風冬釀碧臘食旅厨虛彷彿餘堂構相傳陸敬輿

子新居係陸敬

輿祖宅見郡志

姜君多雅調葉子辱同盟索處從茲始高懷對執傾坐
後津驛晚過鴈荻洲橫好訂扁舟約春波爛熳行

姜名垓萊陽人

寓吳葉名襄吳人

易退曾無愠還家只苧袍爲園間抱甕登閣冷聞濤不
改澄川秀相依彩鴈高昔時陶令宅中拂寄蓬蒿
弱冠淹儒服迂疎僻至今學從違世取心向絕交深霜
細融簾瑟燈斜接夜吟尚啞烟火密更欲訪雲林
出使嗟年少雄藩楚望賒星辰移鬢髮行止雜龍蛇黃

鶴沾杯酒清江入釣槎壯遊今已矣

信遠湘花

予兩使
武昌

畏憶乘驄使深恩惜未酬山藏安石屐雪暗長卿裘早
臥休塵事含悽滿舊遊擊奸難悟■葉落鳳池頭
灰心千險後法苑恰重游當世君堪友窮鄉我欲愁天
荒秦駐月潮急洞庭秋魚鳥無羈束投簪至白頭
總角親禪榻俄經二十秋田園如作客少壯失封侯野
筏湖沙淨春雲佛火稠息遊真願此妙唱必相酬

訪汪曾城蒙惠嘉菊賦貽五首

近年征馬路高隱闢花籬水抱冬翻暖郊空榻數移霜
晴催把袂寒讌約題詩分載秋林色嚴更鼓舵遲

貧豈今時戚相招對晚香異名煩客問遶坐得秋長草

木猶安土乾坤已夕陽獨令摧謝少見采自芬芳

張幕醪淋席編塍玉篆牌此花偏自傲俗賞未須偕野
接冰霜氣天明耿介懷依人無憾事臨水結東齋

吾已謀農圃開春手荷鋤乞君嘉種去莫令好秋虛蔓
剪滋元壤泉流待碧渠物華非細故托興見貞居

勝節迴商律新花合壽筵老親俱健在覩爾足油然密
幄圍泉石芳藂閱歲年世緣刊落盡把盞日庭前

游朱氏鶴洲五首

燧火殘城外溪園尚足游徑苔時灑墨漁網見移舟抱
麓風潭淨凌霜水荇浮獨完占地氣荒野未須愁

漱澗南塘水輕帆去不違細尋華構入飽歷勝情歸照

席春筠弱環山瀑雪飛頻來穿曲磴翻使閉門稀

宦興輸栖逸林深減鬢華定巢黔筑鳥移檻貴陽花好

鶴洲主人以貴

陽太守告歸

司寇聲名大家風尚肅然圖書無畫棟蔬菜千秋田草

綠湖光凝

去聲

廊空塔影圓裴休曾捨宅翻讓結茅賢

謂其

尊人司

寇公

放鶴臨湖近朋尊靜氣中野憂寬戰伐醉語倚梧桐清
梵蒹葭濕寒樓鴈驚通窮鄉無勝槩藉爾豁孤篷

懷王玉式參軍

朔鴈飛吳里傳君事遠征蓮花開幕府詩草動江城歲

靜陽堂詩集卷第十七

四

合凌冰晚山侵壘鼓晴難期尊酒會斗帳細論兵

聽陸子談虎事

不謂林居穩驚心信未訛山寒行有跡月黑肅還多草
木增籬密鷄豚恐夜過君如到城市苛政復如何

小圃漫興二首

無心江海去甘作圃田游木石經春長亭臺喜亂畱屋
臨千尺堞雨愛百重流下里能閒適荒蕪亦遣愁

辛苦焚林日孤禽塞上還漸驚餅粟盡新見鬢毛斑小
構全妻子鋤荒雜渚山刺攜書卷在相對老荆蠻

白門逢杜于皇三首

江左游俱好堪令百感平進帆參鴈渚罷酒宿花城舊

侶詞華壯孤身宦跡輕草堂誰汝築攜手話秋清
杜子今文伯栖山老更馴嘯餘聽落葉客裏過殘春兵
斷湘南信寒生薊北塵貞心終獨往不作五侯賓
豪氣今存否迴看髮未皤冠簪慳故俗歲運托狂歌援
叫千嶂是霜飛六代多流連空暮景別恨滿干戈

秦淮寓舍三首

城曲流香水雕欄數百家含風堪結柳滴露一題花雷
客炊菰米呼童買釣槎祇愁潮易落霜岸出清沙
渡口稱桃葉新梁結構長浪柔頻打槳月午驟聞香夜
夜懸燈坐家家索酒嘗六朝遺勢好猶未雜沙場

近堤行鄭女細兩宿湘君倚醉才難竭將離恨不羣風

前邀畫扇黛影惜羅裙自得忘情理悠然對夕曛

阻風燕子磯二首

前路傷飄泊孤帆咫尺遙驛殘涼厭雨壁迥夜聞潮暑
漲沙稜減時和戰艦凋占風真不競觸事感朝

浪噉浮砂盡巉崖近可登插江無伏虎激石有懸藤漁
市娛孤艇村酌訊老僧客心歸鳥外長計失飛騰

邗關二首

史相行營地孤忠戰血新所逢多故物安免一傷神斷
鏃埋秋草遊兵泣夜燐梅花岡路澀孰與薦湘蘋
三夏聞驕旱高原久罷耕土人空服賈上客且彈箏吏
道黃巾捷荒時白髮盈孤舟無可戀哽絕爲蒼生

次高郵

水勢趨江口孤城拄急流蘆芽開曉市花鴨亂中洲
曠澤珠光遠空囊酒價愁漸看南服盡欲發更淹畱

淮安湖心寺

殿門臨水北壞壁總苔痕砌短畱魚窟堤平見石根
舟移情不繫杯渡迹空存俯見淮城伏殷憂未忍論

客饋酒至

釀法他方異珍珠瀉滿杯直教愁態失應共美人開
登眺江山好槎枒肺腑來忘憂方累日安減步兵才

陳堦六招飲二首

積歲離思苦重逢恰斷金眠花添麗景聽雨緩征心
管

邗隨時出河山對影深蟹螯秋正美滄海碧雲陰
更移猶未散疎脫驗情親菊蕊搖霜淺淮流寫鴈頻
窮交多惜別醉語獨畱真君看乘風去終垂百尺綸

黃河口與二弟別二首

送我踰千里來時屬孟秋乍寒駝褐薄欲別鴈行愁
樹秃平淮岸雲荒遶泗州老親應念汝急爲趨安流
四顧無親舊杯闌忍送行華裾何足羨險道直須驚
宅曠煩栽竹家貧莫廢耕且須調服食休繫北征情

舟中黃菊

歲閏開常早蓬窗賴汝存喜無籬壁意恥受雪霜恩
作客依綳帙同秋赴玉尊故鄉歸未得佳興落江村

見王晉卿漁莊圖志感

僻郡將藏拙京華忽妮人束裝辭故侶擔酒贈殘春漁
樂惟看畫舟居肯厭貧林風知我意吹落鬢邊塵

宿遷道中二首

風迅舟偏逆黃流自古驕江淮秋不細鼓角鬢全凋
屈吏喧栽柳墩軍冷射鵬此身驚在遠踪跡判漁樵
昏沙吹赤葉風色近青徐遠眺鷗羣少孤舟脣市虛
摘蒿供客飯滅燭夢林居擬溯龍門上重尋太史書

舟泊桃源

衝途勞候吏百雉立蒼濤駭溜堤功緩深泥柳價高
餘齡需薄祿盡室怨征袍自作排憂計連旬付濁醪

靜陽堂詩集卷第十七

七

諸公置酒喜余北來賦謝二首

寒館停征轡朋簪宇內偏感盈尊酒外老滯塞垣前海
樹青還凍春蟾白漸圓此生萍泛意深恐後人傳
鄉曲多耆舊彈冠出至情行厨蓬戶啟良醞燭花明
謹論消深夜孤踪綴列卿愛偏酬未易揮翰凜霜清

入都見芝麓雪航九日慈仁寺詩迴憶此時方濟
寧道上也用韻感懷四首

深入林端去寧期結綬重煙霜存社侶簪笏濫山農攬
鏡休遲暮乘時復過從片帆千里外遙憶寺門松
金風剛側帽別後幾重陽築室吳關遠牽船濟岸長宮
雲停玉笛塞鴈夾清觴遍插茱萸罷林猿亦斷腸

古閣千尋出何人載酒登七年勞夢寐兩地戀賓朋山
葉經風密沙鴻逼暮增柴桑雖晦跡疎豁至今稱
客抱安能好膠東氣高移燈驚鶴髮聞柝勇霜毫天
幕橫燕樹泉花接海濤帝城真把袂不惜病香醪
飲顧菴弟宅三首

謝客池邊草陶家日暮雲所思欣接席爲我更畱醺白
酒囊錢罄青燈塞鼓聞窮宵須盡興晨起事紛紜
傷離因喜晤今夕遂忘眠雨記禪宮宿秋聯禹穴船年
移如夢寐情重失拘牽吹盡青藜火蓬瀛在目前
作客令人瘦芳林許共登座依狺席暖醒借鳳池冰鄉
語真難絕家風自昔稱宦情誰可喻清月在觚稜

靜陽堂詩集卷十七

八

和雪航見贈四首

時雪航以
直言被謫

朔野金飈動羈人息軫遲宮廷方浩蕩遷謫總恩私宦
興歌三疊鄉書酒一卮封章休快意黃閣正當時
萬死西臺彥因余暫解愁塵埃休憤激風雪且淹畱貧
爲三冬釀歸期隔歲舟使星從此大隨處得滄洲
知已乖違久南山日縱歌出逢驄步好交喜鴈行多噉
雪寒同念移尊晚更過題襟情不薄謀國更如何
雅業矜同調連章賦索居履危知益友固節恥長裾汲
鄭名無敵豺狼恨不虛海氛新奏捷終許伴耕漁

荅陳彥升四首

憶昔萍踪返津亭獲贈言平陂天道邇仕隱國恩繁風

葉搖珠轡寒鑪倒玉尊再逢非漫浪孤翻藉餘温
善俗無全策微軀屬故人讌歌慚窈窕省寺走逡巡柳
別湖南館珂鳴塞北春日看雙鬢改愁緒已相親
朝事連鄉夢含憂淚未乾風雲羣貴切金革寸心寒拙
宦眠深雪安時製小冠無階酬古道顧影自加餐
元老膺多祜推移豈足傷匡時金鉉急結友玉毫長綺
席容狂狷醇醪寓拜颺因君關治象未敢話河梁

得李雲田書寄懷三首

痛定嗟猶在勞君夢想濃三都慙做帚二曜泣孤踪涉
險心多悔求全老更慵故交江水上春浪起蛟龍
憂國謀仍拙還山一病身始通荆楚問不覺涕洟新深
蓋愁時友孤花戰後春那堪重索處風雨各傷神
漢口停槎夜羣公啟玳筵雪寒花篋密堂淨鮎燈圓豈
料文成崇幾令骨共捐息耕當訪爾高眺白雲邊

答朱遂初六首

青壑曾畱宅彤廷復寄蹤醉行西嶺月閒聽晚城鐘小
草高人誚孤根盛世容朱雲方健在相過暖三冬
未覺投冠易猶憐索米難盤餐荒歲減禮法小臣寬翠
幕杯常覆朱門鉞再彈擬畱遙覽意松菊在朝端
汝負匡廬約吾遲笠澤游墨花空爛熳仕轍轉淹畱舊
兩催金管酸風射寶鉤委蛇多剩晷提榼小忘憂
西江推老宿強起佩金魚太息書難上昌言席正虛燈

花雷客話松雪對門居蕙帳遙天冷援聲待漏餘
壯年甘抗節新政復徵賢納諫雖頻詔批鱗慎萬全橫
戈傳絕島苦潦暗遙天尚有金門隱高歌倚暮烟
同病煩相惜愁心向晚開宛逢彭澤令真見豫章才座
挾雲烟動裝驅海岳來切磨今有地高義重燕臺

送張無近還里三首

用兵同築舍事莫深言誼辟能持法孤臣素感恩夜
長煩撤俎風急挽歸轅七錄高齋舊羣將奉德門

雄才宜救世摧挫豈天心

江湖在聲名狂狷深入

鄉秋望鴈懷古夜聞砧輦下新寡寂何人賦好音

躡屩沾朝命停驂送遠人寒花俱黯澹孤劍自嶙峋傲

吏金無色長途麴有塵吳航棲泊處爲我惜三春

移居和价人國博韻二首

直北風沙壯南人百不宜帳寒依宿火閣靜響餘漸薄
有藏書篋終慚處士籬暇容騎馬過踏草得幽期

土銼無堪述煩君賦短章春移花檠近臥看酒星長紫
霧沾琴濕青燈拂劍香卜鄰猶恨遠鑿壁少餘光

洞門席上二首

退食貪餘晷衝寒並玉羈堂看林雪映牀向夕峰移涓
謝情相倚清狂物正疑歸帆良不易先約賦湘籬

近覺朝廷重封囊抗直多屈伸先信友樸拙驗張羅齒
脆霜松綠杯加玉露和賜金知匱絕數過欲如何

胡彥遠至談詩三首

俊人江外至灑灑失羈愁渡馬黃河雪吹笳紫邏秋入
門新爨玉約我共披裘揖罷還相妒扁舟得自絲
羅雀看京邸寔然屐齒來竹香環席暖臘味逼春開素
業今人薄丹心故國哀幸存江管在門巷少荒苔
愛客吾家事維桑舊有情聯吟辭案牘下問見平生入
饌冰鱗動移牀樺燭明自今專雅席春滿鳳皇城

送秋兼送客爲友沂作二首

落鴈天街晚含愁此際新菊花多酒肆江上作歸人析
動燕丘急煙橫楚澤勻無端楊柳陌來往見征人

西園將解袂置醴合同羣醉覺簷霜薄悲疑戍鼓聞盛
年輕遠道壯志落層雲最苦周南滯蒼茫立暮曛

靜惕堂詩集卷第十七

十一

汪曾城薦至不受官七月出都計程當抵家寄懷

三首

爲問青門駕重陽定放船鯉庭南浦上蔬圃北山前舊
醞寒花熟新篇驛騎傳遠游增意象高枕閱桑田
脫屣黃金殿垂綸碧水湄此懷人莫識獨往道無私四
海瑯琊臥千秋甲子詩雙溪幽瀨好彷彿閉關時
湖上蓴芽紫扁舟念我無野堂勤滌硯籬菊自傾壺鴈
跡青沙濕蟲聲木葉枯還尋魯徵士夜雨作新圖

懷魯孔孫二首

曾坐箕箒谷於今歲已更社中先執爵旅次又聞鷺畫

卷空千古風期式後生北燕垂帶老羈恨幾時平
伏日驅車出貪貽尺素多苦心搜蠹跡觸手見雲柯鬢
雪山同壽薨香鶴正過時時因驛使相憶補蹉跎

屠我法癸已秋同二弟相送過江弟亡後詩來寄
唁感其意荅之

再見秋光駛淒風斷鵲鴝朋儔分涕淚門祚倏伶仃山
訝松廬近後從夜枕聽塵中憔悴極無復鬢毛青

長安雜詩八首

儻舍城隅僻開軒待早春石雲高度檻雪鴈晚窺人天
道尊恬退時情厭率真乘閒呼玉醪未覺有風塵

日抱無聞恐蒼蒼四十餘臺烏稀舊侶廐馬閱新除冷

靜惕堂詩集卷第十一

十三

態飄霜柿間身伴壁魚周官嚴誓御此制近何如

時余貳僕御閱

歲始遷奉帶

我有千秋宅浮嵐對晚吟出知援鳥怨衰慮雪霜深數

點山公啟猶聞叔夜琴一庭荒草色熱客未能尋

聞道嗟何晚難堅甕牖栖治朝無廢錮勝友共招攜數

馬銅池上焚香玉漏西昔賢猶待詔祿食敢淒淒

不減游人興衝冰策蹇來參橫猶淺酌霰集始徐迴匣

老荆卿劍歌殘郭隗臺拜稽真僅事薄宦且雄才

津路紛多梗家書動隔秋廟謨專武備國法緩田疇拙

士安薪積炎趨賤杞憂徘徊良夜永清角起邊樓

較獵城南道三驅玉輅新珊瑚裝馬勒翡翠合車茵仗

發紅霜暖圍開白莽春無階陪後乘獻賦更何人
傳聞叩笮阻度索未收兵萬里方馳饋三湘轉罷耕陣
圖看象戰金鐵鎖蠻城勤遠多前却天心未易明

答芝麓八首

交遊盈四海惟子實心知涉險驚身在耽狂得悟遲
敝裘猶禦雪短鬢漸成絲麋鹿無拘忌難忘獨往時
叩閣旋呼酒青藤一架深夢辭千里別事攬百年心
風蔓時侵袂寒蟾足配琴劇談翻達曙幾欲忘朝簪
鄙事瓜田熟還分紫禁班七年曾霧隱一出少鷗閒
嘯影金溝月移情玉塞山已知揚馬賦都在宦遊間
限日排酬唱瓊枝滿客牀鶯花全應候沈宋各升堂
簞冷眠還起燈明醉不妨駑駘勤欲奮縱轡紫駟旁
邸舍攜蓬鬢編麻坐夜分曩時借隱事蕭索至今聞
蜀郡難爲婦雲中敢號君冰花盈石几炙硯莫辭勤
余攜一妾葦城呼爲雲中君
民家女芝麓戲
罷泛錢唐舸趨朝雨露寬大臣功不有宵黨渙誠難任
直融豺虎輸忠出肺肝短檠聯榻夜笑指雪山看
重典紛紛紆日哀矜仗哲人卽看黎庶活不問宰臣嗔帝
覺鷄竿贅民游鳳闕春退公賓座滿染翰捷如神
余忝同條客常含濟物情嬰鳴滋衆訕坎窞覺身輕潔
可銷軍壘儀如見漢京欲知援溺苦皓魄屢虧盈

贈友二首

江漢曾同泛鳴珂集建章身家霜管在肝膈崩緘長毳
帳聽籌急蘭燈倚醉香救時期不薄雲路慎翱翔
城內誰竒濂衡陽逸士存定披知已傳一扣病夫門北
闕榮春樹西山拂夜尊那期搖落後文苑未全昏
送郭浩九以諫貶官歸四首

中州迴淑氣瑣署有名賢平世無私罰微官易左遷待
清栖舊隱悵別到遙天自古寒蟬好含章滿御前
漢武多雄略心求大藥成過時猶悔詔盡職敢沽名釀
熟憐松菊山深換甲兵予環應未晚直節震公卿
風絮燕丹道驅車向雒陽好傳英辟意還勸建言長地
靜寒鵝鵲陽消密雨霜蒨施將妒汝諫草祝深藏
開國當憂盛非關闕事多小臣輕鼎鑊抗疏得煙蘿林
狄迷嵩嶂冰魚躍汴波仙舟難共載羈滯奈愁何

贈陳路若三首

曩歲分攜感重來尚足豪貧裝無寶劍衰世此綈袍夜
館琴心古霜城酒價高海南兵未息流涕數歸劬
寤軒花藥美題壁有狂夫故事須投轄餘酣乃擊壺名
編高士傳老愛十洲圖磊砢須君洗浮踪只自孤
近悅空王法懸鶉肯恨貧禪心時贈客齋食偶連旬挂
壁風吹塵開簾鳥弄春長安塵濁地挽俗藉斯人

寄右吉二首

僻地多貞士相思在遠鄉春情元菟淺晚契綠蘿長沙

密行漁舸花嬌冶獵場樂遊難兩擅安免淚沾裳
每愛居連竹相從茗共吟瘦驄催吾老迴燕向人深地
闊親朋字天憐患難心終當拋世網入越臥烟林

寄錢爾斐二首

魏里雲濤壯頰忘射策辰毀家營野圃搖筆記王春交
豈常流狎觴於晚坐親臨風傳遠意薊北有孤臣
織錦勞分贈同心竟若何吳天芳草換蜀淚子規多鞞
鐸書猶達塵沙鬢已皤那能同泛艇月底一狂歌

寺集三首

吏散仍幽賞沙林引步徐墨酣斜碧檻觴倦數文魚河
海無還楫 髦日戰書難呼流俗語獨立自欷歔

邀客禪關近穿雲老樹清晚香金磬濕久憩石臺晴座
覺鶯啼緩歌爭柳態輕出門朱轂滿難得此閒情
疲馬知人意驕嘶退直中春郊行便好酒甕日須空鳥
下長松雨花吟古殿風老僧煎茗葉識我是詩窮

照千過飲三首

薄暝同雲色風簾映竹開剡溪當日興重爲老夫來夜
嘯聽樓笛鄰牆過臘醅歡娛真可續何處覓塵埃
與子長宵語殘骸劫劫火餘偶淹元亮祿遲報巨源書
憶滹沱合圖憐督亢虛中庭多隕籜翹首豔陽初
告我東方去迴轅歷下亭杖藜應望嶽腹笥許傳經風
絮關河白雲帆鳥嶼青歸裝多美什斟酌醉時聽

盤中燻鴿

秋筵登羽族霄漢滅翻飛未得禪枝穩眞傷物命微全
生天地窄肉食古今非攘攘干戈裏盤餐悟殺機

酬价人四首

頽然萍泛久得子發疎慵越歲楓同落通都醞乍濃交
情吳市月詩格講堂松寓舍春沙軟時堪策騎從
最憶歡遊處平江博士廬入筵鮭菜足並騎柳條初社
散畱鴻爪人間走犢車便便經史腹莫放巨羅虛
錦字紛投贈穠華入帝城韻成堪白首窮甚等諸生旅
爨經霜寂林燈隔鴈明喧喧朱紱內天馬任橫行
幸學徵新典官資讓少年金風高馬骨石鼓映花氈首

靜陽堂詩集卷第十七

夫

菴因人重龍蛇感運遷高粱香草發坐汝畫帆前

憶倦圃三首

城隙鋤荒翳遙傳范蠡居徑分魚鳥外在醉醒餘甕
有啣糟蟹牀唯種樹書更憐諸子幼竹馬下階餘
悔涉紅塵路三年夢草亭石魚跳自白風菓落仍青艇
爲蓴絲係齋曾佛火扃避人長不出眞足制頽齡
十畝閒閒宅胡然滯國門嶂含松鬣古鹿過竹巢昏裏
飯看鄰衲移雲到遠村禾城荒廢久勝槩此中存

送彭燕又下第還雲間

珍重天人策難逢剖玉年載愁趨渤海豪筆過燕然陳
李今誰在聲名各自傳九峰秋興滿憶我寄瑤箋

苔芝麓二首

皇威通絕檄，叨領象鞮多。署莫芟深蔓，吾將養夙疴。
舌人眠錦罽，鳥跡秘金科。頗會浮沈旨，時容酒伴過。

時余自四譯館

遷左納言

入奉金輿麗，環看彩纛秋。聖讒難追責，獻可實懷憂。
砥礪資賢友，明良感昔游。定知歸馬詔，先下海南州。

同爾唯路若飲花窖中

土室團紅紫，穠香別畫欄。午催蘭火照，臘傍綺筵看。
直訝園林密，翻嫌雨露寒。外人應未解，此樂在長安。

入署二首

忝佐西臺長，難忘骨鯁心。炎天宜緩獄，荒歲莫求金。
院

靜惕堂詩集卷第十七

七

敞昏鴉集，官貧第草深。寄聲持斧使，繩弼在虞箴。
副相繇來重，凡才愧莫當。朝儀森內殿，諫責統南牀。
萬里青蒲迥，羣賢白筆荒。敢虛流涕策，早晚動明光。

岳氏水亭三首

輦下流泉少，爭看內史家。黃塵遮萬柳，翠雨漲平沙。
賓退方垂釣，堂空即繫槎。自多濠濮想，鷗鷺一行斜。

視草承明罷，焚香映水簾。饌容蘆笋入，遊擬布帆添。
白鳥時爭席，青蘋故遶簷。五侯空治第，綺麗正須嫌。

步屣臨長坂，光搖別有天。龍池通伏竇，鳳館壓輕漣。
陸圃滋花早，秋房浴鴈偏。貪歡常累日，怪爾倦花韉。

退谷爲北海詠二首

西原排複岫龍氣蜿蜒來朝士初無意幽軒特地開松
濤喧玉佩石瀑隱珠胎休沐當來此橫琴蔭紫苔
近在香山麓移情構草亭倘容瓢歷歷應緩鬢星星瓦
覆重林黑門隨萬壑青了知憂世切蓮漏隔花聽

祈雨壇古松

瑤壇溥瑞露貞木此潛踪觸石飄香鬣拏雲迸蟄龍永
辭青嶂倚獨闕紫泥封雷雨時時至皇靈禱祀恭

還山二首

還山無早計與客話驚弦風動攜琴舫秋高采菊天虛
牀宜夢鹿老骨最辭羶幸有蓬蒿地逍遙足引年

道隨時共晦物與我難齊古調清吟得殘書病叟栖丹

楓吹往路白鳥啄空堤莫使歸裝緩長林日已西

滄州

蜃氣蟠州壁通漕測水紋那知愁客舫剩有故鄉雲綠
樹浮尊晚黃沙宿鷺分中宵鉦鼓動嶺表望官軍

南征兵
船同泊

靜惕堂詩集卷第十七

靜惕堂詩集卷第十八

樵李曹 溶秋岳著

五言律

四

舟行至富陽

塵路江邊隔迴流勢若停舟行貪漸遠幽境覺曾經秋
水連城郭人家半杳冥到來休興盡畱看夜潮青

桐江夜泊

急峽迴風起船經返照過雙洲籠石滿閨暑壓秋多宿
鳥分谿路空青發權歌客中嫌夢短不問夜如何

自桐廬抵嚴陵五首

溪水通江海千崖鳥道中林篁相映綠鳧燕近乘空艇

靜惕堂詩集卷第十八

一

避崩沙闕源一疊嶂窮歛眠真自在不必更攜筇

身在青冥上烟波過眼明石迎灘沫碎帆宿渚禽輕日
月銜秋影暄淒蒼鳥聲欲畱傷促晷尚有問津情

百層清瀨急往路若爲分櫓迅時粘壁潭空不離雲怪
松經石活漲水隔花聞直入原無險心安虎兕羣

削嶺無人跡何年繡碧苔雨斜碑墨壞江闊釣絲來將
相經時盡山川仗客才逃名渾未得今古一荒臺

茅舍迷荒竹方干尚子孫賤微詞賦好代去水烟昏戰
鼓驚山戶啼鴉到郭門恨無千日酒倚渴漱雲根

蘭谿

寸心馳百粵江舵漸西斜灘靜叅漁鼓風微散渚芽預

憂當病暑無夢可還家
岸口新酤美愁人或許賒
次三衢二首

廿年曾繫艇江景歎依然
瀑勢當窗濕汀花背暑鮮
滴林無惡歲碓址出名泉
欲待浮橋月神傷戍鼓前
百里無樵舍洲迴得鎮城
船輕衝石罅灘響密秋晴晚
磬懸燈宿窠尊酌水明游
仙應有宅何路訪楸枰

將抵常山值雨二首

縱權窮源去金砂徹底明
時清黃埠熟縣古白沙平
劈嶺分涼晚停陰漏日輕
籃輿悲倍濕空翠暗山城
兩岸看青靄隨流到遠岑
鏡空天不染風動舫無心
灘變移深霧山潮叶素琴
粘泥今日事去去約抽簪

靜陽堂詩集卷第十八

二

興行常山道中二首

山間仍置驛青過筍輿香
洞草生秋雨沙禽語石梁
心穿叢荔往游倦古溪長
旌旆曾南下風榛冷夕陽
自成來往熟野老失幽栖
嶺閉愁江霧天清見越溪
得閒無白髮充食有青泥
震蕩舟行後琴尊喜暫攜

掃菴托訊憨和尚曹溪道場

嶺表灰飛後禪房草自春
我來應訪古世外總爲鄰
杖滑侵香雨鐘寒洗戰塵
記游心不忤還報掩關人

詢施仲芳粵事三首

仲芳新自
欽州還官

銅柱新收地南游爾獨長
空攜鸚鵡至酷憶荔枝香
蕉布經冬暖蠻戈倚箐強
囊中文草在過半說家鄉

叱馭烽烟日欣看畫鷁歸艱貞惟友共簪紱使心違海
月吹還苦炎花落未稀風塵催老大何計挽芳菲
五管軍容盛窮民近有無簿書臣更拙江嶠客真孤天
迥悲鴻鴈雲深湧舳艫賴傳蕭颯意游覽未全蕪

鉛山野步

複嶺無時斷當溪草木稠急風頻送雨清晝且停舟野
濕旌旗路崖空虎豹秋鵝湖開講席同異至今愁

貴溪雨泊

孤帆何處宿山色對荒城近市稀人跡書空見客情灘
深沙磧減雲暗戰臺平笑酌村醪罷汀禽報晚晴

安仁

靜陽堂詩集卷第一

三

仄岸雷殘堞林陰虎氣寒戍旗秋自捲暑潦石仍乾古
渡趨江近千山引路寬土人喧得歲旅計只艱難

龍津驛

忽詫津庭闊層巒望已空秋斜時檝拖江曲更分風村
鼓秋畬後漁罾火中前行炎正熾不敢怨匆匆

江漲

湍勢秋應落今年大莫當章江無道路楚徼總微茫蛟
蜃青連雨乾坤戰後荒數聞漂沒苦餘感及舟航

七夕鄱陽雷雨

清淺度銀河人間濁浪多勢喧龍不蟄光動鵲難過萬
里塵沙淨三秋黯黯多布帆驚夜起長劍倚嗟哦

峽江縣

舟過洪都後江移石氣平到城洲漸澀觸浪嶺還生叢
竹苞秋笋高田利火耕何期分地脈仍似越山清

舟雨

篷底真愁濕沾濡白葛涼亂山昏古郡獨影在他鄉苦
益江聲急新穿壘長息肩何日事把酒問荪蔣

秋熱

白露迎新節炎蒸氣不歸天心趨海角暑色戀征衣水
暗煩螢點宵空望鴈飛故園科跣處惆悵隔山扉

舟中漫興

蕭蕭征馬路江國正荒秋兵喜今年減人從隔代游踏

靜陽堂詩集卷第十八

四

沙尋故閣避狎扁舟野水東流盡何時到嶺頭

發泰和

七月北風號帆開捲怒濤肯容江勢落遍數石林高多
病經秋健孤心出險勞不逢彭蠡鴈砧杵寄征袍

萬安夜泊

逆水收帆早山園小邑前草依官舍密彘入女牆眠霧
冷沈軍柝磯橫暗客船幸聞灘失險潦滿石稜遷

灘舟二首

宵霖猶未減遠自粵天來江走千崖疾渦盤萬仞開落
雲栖怪石穿浪吐荒苔甚愧舟人捷臨危了不猜

涼颼吹乍起綠滿放舟情峽束帆爭入灘深月到明狀

流無靜理亂磧總秋聲一覽西南險干戈喜再平

南安二首

江嶺西窮處橫溪寫翠深石缸鳴曉漲水鶴下城陰暫
喜舟航畢遙驚瘴癘侵路平邊騎入終日困征心
太守畱賓切羣山帶草亭繚垣潭石細覆瓦木皮青去
住同悽愴乾坤幾醉醒夜闌聞蟋蟀秋氣急空庭

雲封寺

雲嶺千尋接人工一線通澗流侵榻畔石角覆樓中僧
飯霑松鼠唐碑穴草蟲客行方歎險世外得心空

卓錫泉

萬仞雲林道窅中見碧流罅寒分瀑細影靜照禪秋暑

靜惕堂詩集卷第十八

五

熾清難減沙澄味獨優南天兵躡後勝蹟許僧畱

丙申八月入粵宿南雄公署二首

襟帶西南地重城白霧深戰塵凋市舶蠻語蔽溪林山
入災方赭天隨水氣陰生民憔悴極未敢貴抽簪
累日冥濛合翻愁白葛寒一身疲道路雙淚報平安晚
飯沙田瘠荒堦石溜乾故園秋望遠落葉滿江干

泊南雄城外

復與檣烏狎關橋湧逝波榕陰斜對酒山勢冷橫戈倦
客親燈少深宵聽雨多順流奔馬疾晨起得高歌

秋分日始興江口

突訝津流緊連晨瘴不輕路長淒易感宦苦志難明石

孕千年墨楓圍太古城居人初復業含涕說徵兵

抵韶州二首

山頭仙樂部事久竟難明怪石懸雲滿崩崖插水清秋
船風日好客病往來輕穀賤聞人說村醪喜自傾
巖錦傳何處榛林取逕幽客途貪計日山興限維舟丹
碧雲樓敞芙蓉石幔秋他時須策杖清境記淹留

將抵清遠二首

江舟沿翠靄與客共高秋自愛蒼茫地休牽瘴厲愁灘
晴時見草天闊似登樓行役雖佳事吾將問故丘
直下溪如馬遙知峽口來寒蘆青拂檻海雨晝添杯穴
石篙工捷依山候館開秋風吹漸老擊楫動餘哀

清遠峽

江勢森然合空青劈兩厓石斜風自落松暗瀑真埋挂
席多靈境辭官得好懷戒心催我去卜築意常乖

上飛來寺故址

紺宇隨兵盡無須辨黑灰虬猶臨礎結花已背僧開玉
像迷丹嶂霜鐘臥碧苔粵南全物少形勝首爲灾

胥江道中二首

乍喜無塵繼舟居盡日清依沙防岸淺隔雨見山晴魚
鳥身猶在干戈累轉輕百年疲道路寂寞對蒼生
八月南風少洄流逆上難浴鷗雙槳近散馬萬峰寒荒
後無游屐歸時且釣竿別情何所寄回首望烟巒

端谿下峽四首

急瀨泝江遠，繇山桂岫通。壺天清一氣，鏡水耀雙瞳。乳
入懸巖翠，雲隨古壑空。藏深寧自晦，辛苦待良工。

端谿下峽是採

石

絕巘收奔潦，凝然萬象青。曉留坪上月，秋見海門星。石
潤生鸚鵡，松高老茯苓。硯坑紛莫辨，重起按圖經。
唐宋今何代，泉山喜獨看。洞搖飛鼠黑，舟夾媵魚寒。霧
兩封春早，琅玕報客寬。軍麾喧不到，古意得盤桓。
碣照蛟螭夜，潮侵灌莽天。物情榮斧鑿，方俗換金錢。過
此心常駐，看成晝不眠。愚公如可學，應置五湖前。

廣州雜詩十首

靜陽堂詩集卷第十

七

呂世多遷客，炎州實大藩。禮甘趨走倦，心向雪霜溫。鴻
舉堪辭弋，魚勞失叫閭。每嗤春夢叟，畱宅臥江門。

簡編傳傲吏，興在寂寥中。衙放時碁局，庭閒任竹叢。酌
泉吳隱宅，待月尉佗宮。寶玉休相污，蕭蕭振古風。

物情相習久，獨怪少晨光。冬燠黃梅見，梁空赤螿藏。心
寒葵扇底，節苦蔗漿傍。浮客無清思，時時憶故鄉。

蠻戍沿銅鼓，珠官領蛋船。遐天驚土俗，拙宦狎旌旃。數
策防鄰警，無才荅俸錢。近添吟社滿，賓榻未嘗懸。

徙署濠南遠，縱橫半畝陰。涼陰蕉徑濕，雨氣螭牆深。積
暑淹行騎，崩濤到客心。入城尋故址，■火出長林。

嘉侶聯鑣至，湘簾映晚開。醉鄉曩景失，歸路錦帆來。綠

樹臨戎幙斜陽上海臺異方多物色游賞困才

聲教蠻邦簡珍奇市舶偏文犀浮桂釀翠羽緝花糴日
月壺中影山河象外天腐儒真自哂老眼豁拘攣
見說城南路漫空萑草長虎常分隊出將失挽弓強赤
日喧雷鼓青烽報熨羌禺山千里近文告愧相將
島外朱崖遠何年已削平柳漿新入稅黎俗報收兵鯨
海懸軍峻藤船轉粟輕好因往來使彷彿話蓬瀛
物候能傷性囊錢藥餌貧瓠羹驚到臘釀法畏燒春地
潤殘衣篋蟲多蔽席塵幾時迴倦羽娛老越江濱

與客談硯三首

束紉趨炎嶠無瑕日借看鑿痕春翠坼貢品玉漿寒江

靜惕堂詩集卷第十八

八

氣流鴻古雲根秀鬱盤昔賢空好事曾未譜林巒
硯務專官守今茲厲禁開稍容清士入時見紫霞來潮
汐湘灘影方圓雨露材乳花生不易急遣五丁迴
僻地良工少鐫磨欲自供月池流細細秋暈濕重重碧
髓穿沙虱璇光舞墨龍鬱林聞載石學步肯從客

向沈止岳索硯二首

甲第南荒久端谿對戟門肅成雲照座書罷客開尊泓
潤垂秋色山歌浴翠痕竹房清泚外須念故人存
半載求真硯迷離愧好龍近知鸚鵡貴聞怨沈寥封花
淨繼孤沼烟深琢遠峰倘諧懷璞願歸興不辭濃

答某將軍贈硯二首

百里青谿路樓船自在行好文翰上將泛愛及狂生金
鎖沈沙兩牙旗臥晚晴敢言磨盾拙露布已銷兵
圭竇懸流石分來玳瑁筵切雲辭貢篚揮翰洗烽煙靜
欲含珠露秋疑落澗泉開函增意象金戟氣蒼然

登子以羅浮山中竹葉符萬年松丹竈泥相寄賦
答三首

蒼筠枝節異疑產鐵橋西點筆山精竄畱仙墨葉齊出
書鸞尾濕雲畫雨梢低欲問登真訣春叢且獨栖
入雲尋秀色徑寸闕春陽石丹婆娑老寒根菌蠢香米
山歸筥篋浸水出縹緗比德誠無忝喬柯莫漫長

誰策雲敖杖重探葛令砂滄桑消玉七烟月照金華鷄

靜陽堂詩集卷第十八

九

犬今何在丹鉛跡未賒知君投贈意身外總泥沙

簡丘素人

蠻方春盡日人尚憶柴荆縮地應辭祿傳家在耦耕鶯
飡花氣活草發戰痕平獨處殷遙久愁因素友輕

三月初食生荔枝

炎果由來重丹房燦早春似憐歸舸急先遣壓枝勻放
蟻村園熟荔枝易蠹土人買蟻置樹間啼鴛暑候新貪竒終失正愧對越

鄉人

送穆之東還兼托購香

乍返東官權清風正日斜竟隨山鳥去益動旅人嗟獸
炭搖陰燄羊城屬暮霞自諳枯木理待爾發蒹葭

三月三日亦文招同人舟泛二首

粵渚消深燧重逢楔序天珠光流曉袷酒味悅春船稍
見承平意誰能少壯年岸花開落遍荇苒滯歸田
郭外波連海陸邊寺有花得游須并日與客竟浮家風
動鳧羣沒帆高柳絮斜鄉山遙送影笳鼓莫頻遮

陳咸熙自崇仁至因憶石夫座師二首

夙昔耽文筆元書竟莫傳蠶叢環碧火馬革墜荒天物
論完名貴家風碩隱賢九原真不作一慟離前
遠櫂穿江漲花時適異方柳條三月亂虎氣萬峰荒相
見呻吟晚新愁鬢髮蒼且畱分斗粟飢嘯越山傍

張山人畫羅浮圖見貽賦答四首

靜陽堂詩集卷第十八

十一

瀑雪臨窗濕徐看乃畫圖心懸蛇虎外高比華嵩無峽
暗排蒼鐵丹香潤玉壺深荒游自罕不爲甲兵蕪
百里飛雲頂梅花上碧霄寺封仙竈暖春隔水簾遙蟬
蝠巢常夜藤蘿歲不消定多霞舉士拂席命相邀
遶縣青砂弱當村玉葉飛入練能峭蒨照眼益霏微竹
密分流審嵐清驗雨稀何時真著屐與爾共荷衣
南去無消息微官苦累人見添歸路憶贈失敝廬貧就
澗宜瓢飲乘風與鶴鄰年年春未了蕭颯意全湮

春星亭夜集用游何將軍山林韻十首

使早南下日轉戰罷繩橋納諫遺三事銜書出九霄江
花輕楫見春安晚堂招城闕蕭然地滄洲未覺遙

月館賓初集蠻鄉夜復清雪稀添嫩草城暖夾啼鶯境
切朱旗戍貧耽碧海羹野情多感動節次五湖行
遠放途窮客艱危強自支停吟聞邏角攜酒上花池民
物心終苦才名老共知因君開晚興地勝得全披
海末團荒舍晴絲暝夜花濤聲浮石鴈壁影曉春蛇歲
月愁中長江山別後賒天涯雖浩蕩難識五侯家
軍府南溟盛條風赤道開帆陰依碧柳驛路帶殘梅書
案金箏暖星橋玉轡來詩成牛斗上片碣洗春苔
披襟宜桂嶺濯足有含泉歲令沿堆菜溫風異折綿話
常移漏箭宦轉澀囊錢已訂爲鄰約鄉心下越川

蠟炬銅盤焰糟牀荔釀香魚龍宵競舞蘿葛署終涼台

宿蠻江動封章使橐藏承明分手暫已覺鬢毛蒼
萍生猶有蒂棲托更差池列戟充香寢飛纓異接籬薄
遊須老友軒達任羣兒抑抑風霜志浮榮未遣隨
作歌纏鳳彩題字滄春雲車馬多歸色山川拜雅文花
穠臨牖賞酒渴愛宵分自接皇華後空齋遠衆紛
風急巖城鑰杯闌意若何戰餘巖壑淺出已棘榛多最
苦中年別還賡壯士歌羈圖南粵盡驅馬自經過

素人錫鬯過飲篷軒二首

片月城頭下匡牀襍被清主人無長物痛飲慰餘生綠
滿春塘柳啼多靜夜鶯遠方殊不厭身累逐時輕
鄉彥羣相訪高談爲買山新圖畱水竹晚境脫間關扶

荔炎爭熟沙泉碧自還極南未洗深愧在公間

春夜三首

性拙何堪役棲遲尚此方蒹葭連漲雨蟋蟀響春堂坐
冷干戈氣宵披海嶽光昔賢驕出險忠信那須防
軍幕征求猛何辭感歎濃疎星開古署深露撫蒼松縻
祿驚山鳥銜杯暖瘴峰王孫歸自穩芳草莫辭從
行省平時貴連兵握算窮客填如水日憂散急觴中馴
雉栖庭草滋蘭待夕風總輸田舍美晴雪臥江東

錫鬯再過篷軒三首

蠻風驅鱷路鄉信送鴻年與子頻相見新詩忍獨傳愁
心銷玉漏春色上舢船門外紅塵滿蕭蕭且晏眠

靜惕堂詩集卷第十八

十一

盛說村廬淨移家約未寒得鄰貧易遣遯野跡全安花
鳥傳書急江湖罷釣看忽驚身萬里淚滿送春盤
多君同硯僻節食買谿雲片玉開蒼蘚高懷坐夕曛世
儒輕鳳彩吾道本鷗羣靜洗臨淵耳休令戰鼓聞

答張山人二首

粵海倉皇日煩君寫故山亂雲開幃晚老樹愛春閒有
淚淹殘髮無才靖百蠻嶺猿休夜嘯漲水客真還
不厭羈人冷深泥到草亭觴傳銀箭急堂有硯山青鑿
壁畱餘墨披衣問曉星特愁行樂語日伴子規聽

同芝麓過鄺無傲齋二首

偶值乘船暇穿林宴野亭熱蒸籬豆密雨過蛤牆青海

國聞觴政春宵耿使星荒荒遷謫地燂爛許忘形
已罷王公宴還來處士家鷓鴣啼近夜舡艫繫因花軟
語深簷月清尊占浦沙天涯能作達兵燹正無譁

春日飲五羊觀二首

蠻城人事簡相許踏春泥經亂青精在將離碧草齊
峒花開羽節海霧浴璇題但得長生理沈酣任日西
不分塵中客同過世外亭坐連烟嶠濕皆納海洲青石
髓堆盤滑蘿笙近夜聽嬉游多勝蹟那復怨飄零

春怨三首

南越無殊質君家樂部工瑤箏彈碧月花簾立春風氣
盡簪裾外權移絳灌中本無豪奪意鸚鵡出雕籠

幸托溫柔老佳期奈別何袖承秦女淚腸斷餅師歌遠
黛深宮賤殘燈午夜多縱邀恩寵極微節已蹉跎
失勢黃金散生離燕子樓塵凝歌管暮珠落舞衣秋香
闕銅駝泣孤絃玉燕愁莫逢笳鼓急溝水再分流

題穆之竹雀畫扇

顛旭濡毫後新圖應手成長梢臨水活雙翻弄秋晴倦
客憐飛動涼風轉發生嶺南幽意足相伴涉江行

水際芙蓉

只合金塘發翻來伴野波海天涼意少旅夜豔情多紅
萼心原苦青溪約數訛還鄉開別館讌賞更如何

重上飛來寺故址

佛慢搖空影，年年獵火青。
惡風吹梵去，枯葉倚舷聽。
蝙蝠春飛雨，管茅晚上亭。
何妨仍卓錫，無恙此雲屏。

別周量

秋雨江門外，淋漓古道濃。
殊鄉貪得友，薄技合歸農。
林臥傳詩古，舟移出險重。
離懷多浩渺，無路寄芙蓉。

別喬生

名門忠孝遠，落落瀾風塵。
紈扇多佳句，相貽爲旅人。
酒邊生海月，愁罷采秋蓴。
舊雨西樵路，何時夢隱淪。

舟次濛濛驛，欲游南華山。
寺不果紀事，八首簡天。
近旅菴二憲副。

昨過安流駛，風檣捲浪花。
今來折篙惧，竹纜澀浮沙。
濟

靜惕堂詩集卷第十八

十四

勝乖神助懷，山減鬢華夕。
陽茅屋好秋，興冷茶瓜。

去年入
考過此

亦不
得游

江海應相待，乾坤許獨歸。
酒中思淨社，世外拂塵衣。
象鼓容聽法，珠幡對掩扉。
少時裘馬意，到此失翻飛。

泖漕爭孤鶩，攢山過萬重。
游人疲應接，僧飯約從容。
路僻宜香雨，松涼出暮鐘。
微言娛老外，親許見南宗。

越江多變後，佛火漸衰年。
古院存兵窟，春風洗瘴天。
鏡塵深嶂少，獵網夜燈圓。
大法原無擇，安心旅泊前。

卜地徵深鑿，曾聞物產羅。
茗花僧自種，斤竹虎常過。
溪碓齋厨近，刀耕講殿多。
時無支許輩，寂歷竟如何。

陸賈南來日，深沾地主情。
虬松淹使節，鶴氅到山城。
入

饜寒菘美迎車怖鴿輕狂吟真憶汝剝薜更題名

芝麓以二月游

此留詩寺中

洛下彈冠客忘機此結廬時爲居士服身作古人書萬

波浪乘風易停舟買策難百夫爭出險斜日正浮巒借

旅卷近卜居山中

試東莞香三首

海木多奇理盤根定百年春牀初聽雨靜館欲生烟妙

靄開蒼嶂寒鑪坐晚天因君增性僻不醉綺羅前

靜惕堂詩集卷第十八

十五

交書榻近論值瘴鄉平萬象空紛擾吾將混太清

列圃岡深暖剝中歲復榮帶沙霑做篋宿火散餘醒氣

苦笋二首

曾聞差致仕謔浪古黃州喜得芝蘭合寧爲口腹謀風

雷涵大節骭麟發清愁一嚼沉疴爽疑從諫士遊

了蘭

澤草榮南服同心不厭繁湘君原共處楚畹賤孤根枝

重肥罌氣香分裛露痕殊才媒妒易競秀莫當門

賦歸

草堂松頂月來照宦游人事簡僧同住傷多句轉新山
中虛舞鶴秋氣憶羹尊問客施朱綬何如奉釣緡

靜惕堂詩集卷第十八

靜惕堂詩集卷第十八

七

靜惕堂詩集卷第十九

馮李曹 溶秋岳著

五言律 五

初還倦圃

范蠡湖邊宅 荒蕪過百年
春風如逐客 勝地果高眠
雨漬莓苔字 宵迴荇藻船
粗酬身事了 洗硯狷溪邊

秋澗過索觀英石硯山二首

看石到青谿 春晴屐齒泥
蠻鄉攜雪返 書几約山棲
玉潤皴雲細 螺尖偃瀑低
出塵多隱者 丘壑興方齊

自息羊城駕雲根 在草亭氣凝餘瘴
濕秋入小山 青出袖披秦蘚 傾囊買越汀
莫嫌無品藻 畱待米家銘

秋澗善書

靜惕堂詩集卷第十九

一

寄元見西谿

與君連日約 泛艇意常賒
夢遠迷岡竹 春閒落澗花
定移臨水徑 親焙早山茶
江上收兵未 沈吟到日斜

彥遠過唁卽畱之不得

慘澹思親日 高朋慰藉殊
天如畱碩果 身竟老霜荼
絮酒清江遠 銘旌碧草孤
坐乖鷄黍約 別思滿平蕪

送秦汝翼遊關中三首

柳色近清明 孤舟別我情
問誰同子去 芳草共流鶯
痛飲咸陽酒 新交洛下生
定無畱滯感 風日似鄉城
灑水通秦苑 黃山夾漢陵
寂寥他日淚 憑弔古人能
旅篋銷春酌 吟鞍踏曉冰
縱觀豪俠窟 仗劍擬飛騰

舊德今餘幾何堪
遠頻夢隨關鴈落
思入隴梅新路
細 戈日天窮意氣人歸帆
經樵李燒燭話風塵

篋中簡得陳章侯畫追懷

老友今安在千巖暮靄分
醉能憂社稷豪自吐煙雲浪
跡常驚衆傷生忽到君交遊
零落盡海表復懸軍

舟宿三首

陽回吹律後客子夜偏長
倚醉支寒柝浮家愛短檣
星霜愁易滿兵甲運難量
不作江河夢棲遲總故鄉
兩細孤帆動冬殘漸老侵
都將當日事灰盡一生心
櫓外荒鷄急燈前亂渚深
憂危方默省稅駕有長林
蕩漾清光內幽懷自不無
海峯橫抱虎岸柳禿栖烏
擊楫辭勳業還山感道途中
宵弦月起耿耿照雕弧
得温州萬開來兵備書却寄

靜惕堂詩集卷第十九

二

肝膽曾相命翩翩宛洛遊
少年裘馬僻大節鼎鐘收
羽箭開軍幕蠻烟淨海樓
風前多遠興記憶到林丘

二月雪

不見同雲久春深始更飛
勢真欺市釀貧莫典冬衣窗
重楊花早天寒燕子稀
塵中來往數賴爾杜柴扉

扶曦過倦圃小飲是夕雨雪二首

隔郡忻相顧江花動酒船
煮芹山竈冷聽雪夜堂懸
稅急無中戶愁深失壯年
且須耽寂歷匡坐話歸田

偶憶金門友批鱗事若何
懷芝麓也春知風物換柳爲別離多

學易師龍蠖稱詩到蕙蘿久陰當徹部遲日下庭柯

夜坐二首

歎息藏身晚驚弦北望深忘言今日事觀物古人心水
檻風燈淨梅花石路陰城迴存小築真氣入中林
少壯辭人去何期遂耦耕露清栖宿羽春暗遞疎更積
兩聞艱食三江日用兵天機真恨淺觸事警浮生

朱竹菴過唁廬居二首

南海多佳器君今定雅人情來舟楫遠痛起蓼莪新墓
草連殘臘冰花動早春翻思紆組日束縛損天真
余丁酉自粵東返

山興能分餉挑燈永夜清麝煤辭瘴濕鷄舌走江城好

靜惕堂詩集卷第十九

三

古應垂橐論交復避名寂寥關妙理嗟爾足平生
竹菴以香墨見

貽

送竹菴還粵東二首

隣子經年出微茫渡海歸篋中愁緒滿兵後隱人稀暖
到庭筠綠陰連石燕飛撥鐙家學好俗尚直須違
竹菴尊人未央

精篆籀

之學

嶺表傳休甲柴門許定居飽看山水去
竹菴游六橋三坐竟月得遂隱

淪初別淚催春柳孤吟伴夜漁舊遊君等在知我宦情

疎

黃清伯自妙喜山來相訪談道

老倦風塵侶今逢避世賢山光簾自捲春氣日初圓法

象歸金液靈雲下玉駟堅期同習靜去買雲谿船

文公過倦圃因贈四首

傍舍澄湖細新邊蠟屐來煙林真痼疾海鳥莫徘徊懸
嶂臨春活虛亭帶雨開嵇生雖習懶禪喜札仍裁
出塵拘忌少野服坐參差古榭搖沙篆微寒作柳絲貧
嫌詩彙重退得友情私半畝銷兵地鋤荒敢怨遲
道在休違性恩深許杜門塵埃無俊物巾拂破重昏軟
草間行遍殘山老志存飛騰吾未暇徐與逸人論
苦欲畱君宿春船竟獨行石堂風聽竹夜酌鳥催更瓢
笠高難學形骸累漸輕隔城來往近白社必須成

問元見西谿菊花二首

靜陽堂詩集卷第十九

四

見說巖居穩穿籬菊漸黃田功分藥圃秋興急糟牀雪
鬢花能減詩瓢亂且藏數邀賓客過好事過柴桑

春船蒙念舊柔檣載花還灌溉勤學蹉跎愧閉關

元

分菊種子于而子
家所植遠遜元見

解鞍當白露洗眼望青山觸事鞭余頗寒

哇手自刪

春日懷文公二首

投老鄉關日蕭條物外春離居曾隔歲追憶尚沾巾賓
客相看盡江山不恨貧夜聞孤磬發招我作畸人
春午鳴鳩罷間堦斷客來別驚螢莢換晴數杏花開講
席兵因輟山書病屢裁後逢須信宿不遣釣船迴

游武林南山雜詩五首

自過烟霞嶺雲根拂面青徑陰疑吼虎石逼半浮星病
骨蘇芒屨荒江豁草亭披林忘日昃兵火夢初醒
石笋沿流上虛空冷翠深細榛迷古路啼鴉緩歸心蘚
氣珠幡靜峰迴海霧沈幾人能卜宅簪紱澹中林
夾嶺危難極寒筇歷歷過東風垂洞草大壑捲晴波樹
老分何代鐘清喜漸多禪扉花雨外畱宿竟蹉跎
指點幽尋處千崖木杪分坐斜松磴日身健鉢堂雲綠
滿孤猿去山高細瀑聞青冥辭戰角樵牧漫同羣
物色非人世春濃散目勞稅茶山市冷劔笋寺園高宗
炳休耽臥焦先足自豪石泉僧飯潔畱興待香醪

谿巢

靜惕堂詩集卷第十九

五

方外能耽僻奔泉引到門瘦藤蟠鳥道削壁補籬根山
靜流光緩僧高接語溫竹田多善歲世事不須論

坐韜光菴泉上和白香山韻

久識青蘿杪元和老衲家怪峰常怖虎古瀑間飄花路
僻畱禽語春深長石芽明朝逢穀雨燒竹試新茶

包氏泉亭二首

萬壑俄然止青蒼夾雨扉堂陰團竹粉谿色冷春衣步
緩潛流出心空野鶴飛日斜催客返清境本知希
招提得四鄰幽瀨咽寒筠車馬無前約園林即主人澗
虛風落石樓淨鳥銜春悵失移尊興看山客自貧

冷泉亭

寺門羅衆嶺邀我入盤雲
天地深無象谿山綠未分
遙空飛磔坼清梵老松聞
幽意何人覺沙邊問鶴羣

尋峻嶺山房故址

北山山下路逸客舊經營
不見疏泉處空懷避世情
牆陰緣宿蔓峰影到啼鶯
徒倚猶難別叢筠刺眼明

楊梅塢僧院

疊嶂如無地披榛得徑遲
堦前春草合山氣老僧知
晚茗頻燒葉空樓總映池
客懷同逝鳥避弋有安枝

香圃菴小憩

驟雨沾歸轡欣畱淨宇新
借山尋古佛因籙悟殘春
繡壑龍鱗動丹厓虎性馴
好傳開圃意耕鑿見遺民

畱題歡喜臺僧壁

靜惕堂詩集卷第十九

六

愛踏山南勝懸巖一線開
鳥衝孤樹去客耦斷雲來
磴細斜編棘泉香逆上臺
此身憑出險世外本無猜

同山堂北蒔菊百本過時未
花客爲予移置庭南

喜賦四首

好事前賢衆東籬趣獨真
史存謀國裔天佚荷鋤人
予亦風塵倦蕭然甕牖新
物情慚未解指點賴嘉賓

自此應叢發嘉名九日聞
花前圖撥阮

畫苑有淵明
停琴撥阮圖

醉裏賦

停雲嗜慾羣生淺陰陽一
徑分不勞搗羯鼓朶朶倚斜

曛

伏枕溪堂淨鳴蛩引暮愁
聞寥傳永晝草木伴殘秋
幾

失登高宴重需蕢酒裘五湖農圃地閉戶復何憂
湖水當秋盛風亭向日開晴光良可愛舊友自能來囊
澀安鄰釀軍移掃石苔羽書關塞北笳鼓動餘哀

過金明寺二首

故鄉娛老處赤葉水門西寺古碑橫路天寒客過溪湖

陰懸隱蹟

寺枕范蠡湖上

兵氣恐幽栖興廢關何事蕭然落照低

佛樓高不極海月上疎櫺城壞隨荒草僧閒出遠汀去

來齊野鶴身世恥浮萍定約安禪好春堂帶雨青

寺僧以修葺禪

商堂見

園居冬夜懷文公二首

露菊傳杯後山園興日親戰平城尚牧冬早暖過春壇

靜陽堂詩集卷第十九

七

影當窗見湖光待雪勻聞君支敗衲高詠夜逡巡

閭巷嗟寥落風騷借遠公心安求友際人瘦閉門中壁

畫畱神駿樓寒送晚鴻不辭相望切逸氣刷蒿蓬

錫鬯夜過園中二首

蘭犂下南村城中日氣昏晤多如對字情至總忘言戰

定憐鄉月詩成急夜援羊何能惠好古意到柴門

錫鬯傳山子青

士將見訪

雄圖失壯年鳥雀竟高眠愛客常開筵呼杯共啜泉霜

螯登俎滑籬菊伴燈圓迴數南遷苦春蒸上海船

余仕粵時錫鬯

亦容嶺表有倡和之什

元見自西谿過予草堂自云今年山中藝菊特盛

因賦四首

近歲臨安道遊兵滿市屢艱貞餘老隱桑苧類前賢花
暖山墮杖沙明雨繫船平生親切意畱宿草亭偏
苦乏盈尊酒相邀坐鴈堂娛生惟稼圃避俗任滄桑野
柝蒙書帙昏鴉到客牀拊心論晚節菊把未教荒
插竹支崩石通渠濾濁泥山中秋轉急九日報開齊釀
法臨叢羨霜痕捲幔低計程今百里天地只幽棲
予亦東陵叟開畦待夕曛桔槔常失歲疎拙每輸君月
澹鳴蛩苦樓空折竹聞幸傳鄰圃盛秋氣日氤氳

六月過呂氏菊畦二首

傲士心無累秋花種滿蹊暑因風露減人到薜蘿迷不
憚編籬密何時壓帽低授衣重命駕準擬醉如泥
朱紱東陵裔栽花祇自娛荒堦行鳥雀老志戀菰蘆枝
葉千迴看疎狂一世無卽今青翠色已足慰榛蕪

九月朔再過呂氏探菊二首

節屆重陽近黃花定繞籬一秋懷隱伴雙屐趁晨曦東
郭荷衣穩西風戰甲移平沙湖外路不限往來期
圃潤開仍緩堂空客自畱山中無魏晉花底失窮愁雪
鬢依吟卷風光報酒籌任多桃李宴越俗愛高秋

語溪過郁氏園畱飲四首

息權青谿曲因來竹逕遊石陰通古堞雲氣上深秋晴
幔書充棟清尊客倚樓放懷兵定夜堅許臥滄洲

不遠牆東路平林故故長步迷松磴密門掩露潭香剝
蘇微通德乘流過辟疆壺觴皆舊物感慨話斜陽

園創自
振公孝

康

浮迹原無定愁心向友生麴香重九節花壓禦兒城簾
迥鷗初下牀空月易盈清笳驚墜葉灑掃坐深更
杞菊因人勝亭臺積歲多定然招隱急終奈別情何改
席歌楊柳中廚折芰荷他年秋水上彷彿待漁蓑

舟阻語溪

月黑寒城閉人傳鐵騎行散軍吳驛苦吹角海雲平物
役吾終老宵眠夢屢驚又看書插羽催報舳艫成

時有造
舟之檝

元見自山中貽菊四本

靜陽堂詩集卷第十九

九

知我鄉愁劇花枝特地來自逢徵士賞只傍酒船開白
髮貪時序清歌荅草萊溪邊秋圃闊嘉種更須栽

稚白晚過托刻印章二首

野寺西邊路青谿近可尋亂餘鄉彥少坐定古情深長
日繙書過高林倚杖陰傳家金石理挹取照幽岑

名駿輕千里何爲狹巷間達人多任運雅事且乘閒隔
竹移深慢畱賓對晚山瑀戈渾未解堅約老荆蠻

稚白將
出游子

尼之
也

過何氏齋觀草花二首

萬里迴車早珠崖信可捐時鷺輕宦達鄉定失憂懸子
弟虞翻易田園陸賈鮮海波南訖日籬落正悠然

抱甕忘機叟，高風直至今。溪明花檻動，塔湧竹香深。經春仍美娛，賓架漸陰扶。疎終勿剪，畱取贈抽簪。
過初地菴看菊三首

風樹無依後，花時慘欲迷。晚情親老圃，孤屐動秋谿。地僻分叢細，霜黃接架齊。微吟當數過，莫謂惱幽棲。
高人多遠抱，籬落比深林。客到休携酒，花清恰寫心。夜禪還月冷，佛石漱苔陰。貪學娛生法，蕭然坐古今。
飄搖追往日，薄賞在歸田。淨域寬愁緒，繁葩養暮天。閨貧自好翫，隣友相憐盡。落穰華事寒，鐘拂檻前。

呂氏宅看菊分贈奉報三首

迤邐東郊路，沙邊問草堂。百叢團野趣，一摘慰秋荒。辨族多書笥，畱賓舊笏牀。傳家清白久，花藥也輝光。
花發重陽後，金風肯恨遲。炎霜勤護惜，爛熳及堦墀。伏老名終在，經離物自知。天南戎馬息，高讌正當時。
寓目前賢意，憂時不厭同。撥沙疎叵內，墜露冷香中。吾道銜杯達，餘年抱甕工。數枝傳草閣，端足遣途窮。

同山堂對菊四首

古道何人識，秋庭盡日閒。折花存素節，扶病過青山。家釀時堪續，顛毛近益斑。幸先搖落候，恩許二疏還。
廢圃城均接，晴天荷鍤過。便成盤谷叟，細數落英多。寄托愁中藥，乾坤醉後歌。閉關營不易，物理定如何。
客散登高外，堂深積雨前。誰披數枝葉，瀟灑迄今傳。豔

觸槽牀夜青寒鴈字天芬芳吹不歇爲爾罷宵眠
嘉種恒艱致分栽仰勝流冒霜移遠砌入座攬高秋欲
和三湘賦空懸萬古愁時時生遠憶荒草遍滄洲

冬日編籬成因治菊地二首

牢落由拳地兵銷尚草廬夜牀孤澗急沙檻百蟲虛嗜
欲衰當淺蓬蒿亂始鋤愧無經世略聊得返吾初
辭祿無他事歸心屬短犁插荆防驟雨闢壠出深泥代
遠懷先哲家殘合晚棲未妨添釀餠箕踞范湖西

請曾城疏菊名漫記二首

舊識柴桑老栽花朵春但逢商女節必洗麴生塵戲
馬催征旆鳴蜩伴漉中樂方還示我隔郭許比鄰

每誦嵇含狀能忘屈子窮古光攢藥蔓生計保秋叢交
得鴻冥貴書矜虎臥工杜門資博物未敢傲園翁

簡蘭生二首

不異聯牀夕今年特黯然秋花開戰地海鴈落尊前老
影貪看月寒交愧割瓊各餘龍劍在拂拭向霜天
籍甚南陽隱堅操避患心科頭真自得抱膝更須吟硯
僻山隨几琴清鶴在林遣愁多勝日興到約相尋

同蘭生夜坐限韻二首

宇宙猶如此浮沈敢自明病勞親舊憶晚悟險熾平江
月臨秋闊簷花浸酒清危途常把手易使百愁輕
吳越方多警徘徊又一宵浩然生遠憶不覺鬢絲凋急

鼓連鴻陣餘烽上柳條儒冠何所作閒館聽秋潮

中秋日同茹穹蘭生過朱葵石鶴洲草堂四首

里郭論名蹟朱園碧樹高晚霞看舞鶴嘉節近持螯暑
退移新檻山窮試小舫人生勞攘極聊與醉吟豪
金粟含香藥風晴作意開疎枝環釣瀨清氣築書臺夜
午閒遊續兵交剩客來最驚池上石如虎臥莓苔
祝子傳丹竈徐君嗜奕碁總無關理亂畱此坐淪漪徑
失隨馴鹿峰多緩夕曦頓忘身是客荷鍤問東籬
舊日停杯地招攜肯厭多入林情又別秉燭意如何水
葉鷗邊冷雲樓竹外過共耽盤谷好緩緩說干戈

重葺園居二首

靜陽堂詩集卷第十九

十二

忽報軍書定移家上竹洲水花晴檻碧松鳥夜林秋掃
磴攤詩卷呼童問茗甌卽看氛穢淨落落更何求
深林殘暑退重見野猿還江戰千艘動秋嘶萬馬閒酒
懷因遜豁草色對愁刪近愛窗前菊栖遲負買山

夜坐陸子話西谿山莊同懷六首

入世多羈役塵沙共兩秋好山遙在眼故侶意同幽濁
飲慚林鹿鄉吟寄渚鷗恐寒鄰接興長買出關舟
澗磧題名後沙塘弄槩迴三年吾不到匹騎爾何求嶺
黑曾眠樹煙荒舊覆杯長安春色裏應發故園梅
燃竹深宵坐居山勝事多青葱人罕識荒熟近如何地
儉資耕釣心閒起薜蘿最貪肥遯穩軒冕不求過

支岫駢天目潛溪析聖湖雲林真自別春思不能無松
桂山同老漁樵客漸孤臥遊粗得遣世外少窮途
鳳尾蒼筠合雲根赤菌長露巢牽易就朝饌摘還香憶
此蠲煩疾歸須載急觴樂飢招我共真氣拂菘蔣
臨安多隱宅西去復爲園虎落看皆古花源較孰尊懸
流通翠壁趁雨到柴門不限巖樓福灰心晚節存
陸子招過山莊迫歸不及赴却寄四首

數奉梅花信逢君候已遲山中朝暮好客子去來思藥
杵停春釀江航迅夜旗寒林還待我丘壑勝情宜
二月常無雨谿園笋定肥閒當呼寒衞貧亦典春衣飽
喫蒼烟瘦深鋤粉籜稀祝君休盡取清暑看成圍

靜陽堂詩集卷第十九

十三

盜火傳初熄松篁喜定居債隨詩簾滿興發夜牀虛接
架畱霜果剝泉種石魚經營多至理須著老農書
此身無不可恨少雅人游望嶺僧同住看花客轉愁林
泉疎逆旅猿鳥約殘秋遠想蘿烟夕清琴正倚樓

理菊

觀物潛夫意霜庭藥蘂濃微材驚晚暮勝侶荷過從剔
蛀花鬚潤移香酒幔重茅簷堪映日斟酌伴三冬

于皇篋中得和江蔣前民近體詩作此遙贈卽送
于皇還白門八首

大雅何人續蘭茗競歲華昏昏頭自白得得酒頻賒隱
路哀笳逼貧交暮雨斜南枝多倦羽不入五侯家

三徑今何托蓬蒿
識戰場數竒詩漸老
晚合意俱傷江閣容深
醉隋花滯野檣寥寥天
宇闊獨立下斜陽
紅藥橋邊路棲遲尚
有人江淮不細坎墮道
相親濯足沙洲夜吹
簫楚塞春天涯貪寄
慰翻覺勝比鄰

病胃惟高枕烟林尺
尺遙懷賢稀夕漏旅
泛憶秋潮俗態寬松
檣兵聲破寂寥蕪城
歡賞地新柳莫蕭蕭

夙有論文友平山客
舍寒鶉衣經亂結薑
尾恣人看碧草歸心
緩青雲淚點乾提鉛
稽古外狎爾到漁竿

江右王于一寓

居維揚善書工古文詞與蔣子偁和最密

杜子才無敵掀髯四
海空近逢騷客助不
救阮途窮鉦鼓移家
日艱難返櫂中披裘
瓜步北得句待征鴻

前民居瓜州

靜惕堂詩集卷第十九

十四

相看南浦綠天畔總
貔貅人去荒城冷年
深六代愁江關迴鴈
疾陵草覆廬幽豁達
無餘累金焦共釣舟
到日朋箋滿涼颼坐
草堂幸傳家法謹勿
逐少年狂海岳聯真
隱蛟龍送薄裝出游
知興減佳蹟在滄浪

送嚴覽民應試入燕三首

上國徵才切離筵勸
玉釭文星開禁苑畫
鼓靜春江策願醇儒
敵音看戰甲雙時海上
紫駟馳騁近分喜潤
鄉邦

有捷音

便道尋仙侶旗亭海
路陰青州須盡醉梁
父爲誰吟朔

氣秋鷹健征衣驛柳
深千山明月滿應照
故園心

五陵芳草動落日耀
平郊欲送無車騎懷
人在草茅風

雲趨繡管江海淨牙
鞘莫樹清流目匡時
且擇交

喜雨二首

春旱淹蠶月今朝雨又新且將閒送老莫使歲兼貧
過青崖濕天低白鳥勻洗兵東海上消息報幽人
共坐空堂冷陰雲忽漫遮大聲摧海嶽暝勢結龍蛇溪
活重添舫輒榮定著花未妨茅屋損詩酒混泥沙

登子招飯孤山江氏別業二首

旅酌無殘暑山扉訝晚開廿年真瞬息百戰且樓臺堤
闊鳧羣亂湖空雨氣來寂寥林處士不及鶴飛迴
攜手層梯上飄飄歷翠微醉吟經別吐獵騎到山稀敢
厭嬉游密新同海嶠歸元龍豪已盡的的傍漁磯

同諸子鶴洲探梅記事四首

靜陽堂詩集卷第十九

五

傍郭湖陰淨春風第一樓花香纏野逕塔火浴中流晝
鼓看花枕寒呼犯雪裘晚晴山色好無酒亦淹留
衆壑清潭上虛亭枕玉沙燈前初踏草兵後每憐花席
喜閒鳧共橋通晚磬斜主人情不淺爛熳約春槎
客過堂逾麗年文物漸新蒼枝恒帶石薄霰頗宜人風
砌沾禽冷冰泉淪茗頻轉愁開遍日油壁惱頗松筠
乍遠城南路天清水墅中幽棲賓榭密晚興鶴巢空倚
艇穿孤嶺鈎簾待暖風石牀眠不厭那復記歸篷

飲倪伯屏齋中五首

同籍多凋謝寒松二老存勿將裘馬事重向甲兵論綠
柳搖波嫩青燈犯雨昏郊園堅後約細數石苔痕

歲月休相負春情到杏花背人看野竹捨櫂踏鷗沙友
道蘇端重時名阮籍賒酒星真可摘不必羨乘槎

寒食佳辰近湖東塔火濃長箋催謁屐久坐接霜鐘裝

玉仙人局

余角基而不勝

調羹處士菘深杯能暖客歸興復從容

經術倪寬貴何來繡佛前本無塵可遣欲使友同雀

領充常饌山香豔晚筵庭中芳草色畱我醉時眠

忽話青烏秘楓天手自看川陵吳越淺龍虎混茫蟠夜

識銅丸巧春連石暈寒明朝須買騎流覽入長安

座有陸生善相

術地

雨後倦圃卽事二首

水牖通陰處悠然暑氣清日斜乾宿溜林靜費啼鶯迂

靜陽堂詩集卷第十九

六

世貧難療浮家險漸輕扶犁新雨足天意勸躬耕

近有移山癖南窗積石高晚涼畱遊友避俗昵春醪驟

霽喧巢燕遙風送夜濤過時希五岳心愧尚平勞

簡申霖臣三首

有客停蕭寺觴浮貝葉邊塵途車騎苦詩興薜蘿圓韞

韜疎才子汀洲勇釣船元成家世別出處自儵然

昨挂茗溪席茶香定染衣素甌翻澗雪客夜冷春扉失

路松篁闊銜毫利達稀幾時同洗眼細數白鷗飛

投贈雙罌碧沈酣度晚春儘容天下士移疾五湖濱花

暖巢鶯換山清捲幔勻壯心看欲折采藥愧娛賓

霖臣以家釀見

餉故有首句

答陶季激自邗江見訪四首

靖節常懷友，扁舟過越西。
旅情同壘燕，歸逕踏春泥。
客怨相如慢，風傳正始齊。
開筵兵解地，肯厭玉山低。

偏郡臨湖許，斜陽獨倚樓。
戎軒曾此駐，草閣至今愁。
歲月多清淚，英雄盡白頭。
別來何所道，相視海田秋。

季激游吾郡南

湖有詩

借問隋堤月，移營近若何。
朦朧驚四壁，襍被渡三河。
花夾繁臺暗，砧連御苑多。
朱門無傲士，懷舊到烟蘿。

季激久在中州

近從長安來

遠想金閨彥，浮沈又一春。
莫誇經國手，須作倦遊人。

芝麓

近有左遷之耗季激共念之

燕柳青門密，臺霜赤紱貧。
煩君通鴈信，隱窟

有秋尊

重陽後一日天游文公過溪山真意軒

投老殘山裏，摧頽敢自疑。
惜閒開廢圃，愛客坐深籬。
白鴈愁中物，黃花亂後詩。
今朝風日暖，登眺尚相宜。

語溪道中同錫鬯作四首

地入蒼山口，陰連白雨辰。
吳船畱勝客，海柝靜通津。
耕織謀生淺，瘡痍望治頻。
衰年無足道，江晚見收綸。

四月行春令，溪風拂鬢寒。
偶然傷寂歷，強起共遊觀。
奕理通雲鳥，甌香淨曉蘭。
貪停湖外槳，乘醉度沙灘。

暮影檣烏落，荒潮對驛亭。
蠶官喧小市，漁鼓上空庭。
野曠宵宜笛，風斜岸有萍。
緼袍疎候吏，誰與贈雙瓶。

近傳收伏莽大澤罷橫戈麴米春旗濕雲帆柳浪多舟
居宜盛暑石隱得狂歌不借籃輿力涼花枕上過

同于一元見錫鬯尋壑蒼迫暮迴舟悵然二首寄
休公

偶憶湯休什閒心冀一逢青天開石屋夕浪洗寒松中
歲塵機減南屏隱趣重愁連雲幔起歸路失芙蓉
潦後貪新霽羈人趁晚行樹稀兵鬩嶺梵隔幕烏城別
久山泉怪年深葺笋生恰畱餘興好步健採黃精

楊香山移庖過寓二首

子雲翻載酒錦瑟起僧堂靜語煙蘿合炎天釣檻荒辨
碑聞墨響是日汪子可携法書來看陰柳得湖光舊識幽燕客飛騰意不

志

耿介天台吏移居且避兵邊賓金轡遠消暑玉壺清螟
媵憂時涕風沙送別城郇厨難再得聚散凜浮生香山舊倅台州

蘭生過訪禪房三首

草綠餘杭道雲帆忽過湖鬢毛凋戰角旅思惜清壺業
悔春華淺天容野鶴孤欲畱長夜語圓月下庭梧

日落幡然去空樓暑氣長煙巒多至理劫火幾迴腸古
寺齋廚冷微風晚磬香君能探淨域當薄少年場

已輟西江櫂爐峰怨夕寒對花娛藥杵因漲買漁竿友
誼貧逾急愁眉酒未寬尚平多世累真覺放遊難

立秋後一日孤山納涼微雨喜而有作二首

二伏炎蒸苦迎秋意頓殊灘隨蓮舫出峰訝火雲徂白
葛沾濡好青丘伴侶孤泥深明日路蠟屐任荒蕪
清風人不倦柔櫓暮還停山翠分楊柳荷香上鵝鴒壑
枯爭石溜天澹落昏星孰起豐隆懶翻盆倒四溟

秋雨天游過宿二首

一兩回秋旱高朋恰過門市樓沈急鼓齋日限清尊娛
老無丘壑忘情且弟昆秦關思草檄流涕

恩

未肯虛涼夜蔬盤照燭花物情輕管邴天道混龍蛇短
訝愁中髮貧憐戰後家五湖秋浩蕩恣與白鷗斜

秋日訪岑公二首

羅雀多閒歲犖舟信晚風野塘邊騎外密雨稻花中深

靜暘堂詩集卷第十九

九

坐銷金磬寒吟待茗籠盡將塵土夢脫略向支公
淨宇開藜竹臨流盪漿行送鴻沙檻近施烏石幢平頓
覺霜毛改無妨酒禁輕迴看心不染與客話三生

游倪伯屏新園三首

司馬非忘世安時志自堅隴陰仍抱膝岸側且牽船繞
座眠宮柳停杯叫蜀鷓湖流通笠澤靜放白鷗天
北郭圍春水喬松蔭草堂晨光堪散髮狂容竟聯牀戰
地存丘壑花時累鷓鷯愚公餘勇在仙嶠肯教荒
賴有逃境臨源構宇新醉鄉齊萬物老影愛三春竹
茂穿橋冷樓虛點石勺迴舟嗟漸遠桑苧本無鄰

友人攜示文公近作有懷二首

冰雪開君帙今知辟暑能湖樓間白氎友夢入青燈吳
俗禪多厲林公駿獨稱幾時披逸度涼月坐深藤
鄉里催人老秋飛雀網塵祇餘雙樹法堪寄五湖身細
雨移坪竹微醺出釣綸雖乖攜手願高致恰相鄰

送屠閻伯入閩二首

夏侯長風便榕江百丈牽征袍汀草綠戍館陣雲圓興
發秋砧外書畱海鴈前自多投轄處客感意空傳
絳帳談天席春旗度嶺舟道成無滯迹交密有離愁苦
乏銷兵策徒輕賞酒羨漳南松柏路寄我涕長流

答查韜荒三首

今古蓬蒿宅蕭蕭攜李城霜毛鍾世難雀網避時名忽

靜惕堂詩集卷第十九

二

枉驚人句翻傷廢學情平原期共獵落日耀長纓

谿上安禪客知余野鶴孤故將裘馬氣直入破菰蘆公文

共過松雨希瑤瑟山花覆玉壺定因多難後博愛及潛夫

葛巾辭我去伏日臥金焦火纏孤嶼風鳧泛六朝篇
成參鮑謝身在慰漁樵舊識傷心路停杯問柳條

得澹公書二首

瑣闥知何處蒼梧淚暗零國恩雙鬢白臣罪一燈青
蜃市飄金磬蠻雲覆草亭閒心馳故里來訊隱人星

衰年殊道路短札見平生花散三車雨峒荒六詔兵

深思諫草禪冷滯江城頗怪雕蟲習雄心晚未輕

澹公寄我制義

同愚山伯調登子瞻百奕慶奕喜錫鬯乘月過段

橋分韻二首

馬簾歸巖伍游人任夜分野鷹呼孟達淨練憶羊欣露
冷披裘得山清擊磬聞酒闌疎腕甚偏遣細論文
把袂谿橋上晴空散玉盤澱紋漁纓合龍氣柳塘寒久
坐繁壺箭忘憂報籜冠清都朋好聚不作

離看

右吉移居二首

水南修竹地雷勝待幽人幕燕知新兩崖花吐晚春賤
因求友悞隱莫著書頻邊馬經過後安居且浹旬
入望炊煙接谿沙檻外平老憂生髀肉貧約負春耕近
市閒魚笱傳家重酒槍掃除休一室

正縱橫

邦江晤孟傳是卽送之入閩二首

靜惕堂詩集卷第十九

三

樊口曾游處題詩遍酒樓再游成蒜髮惜別又蘭舟水
宿絺衣爽山行荔子稠看君豪舉甚令我豁窮愁

消長聞高論風亭晝漏移樞衡初有托

合肥長沙
已賜環

麋鹿轉

相宜箏急驕驪馬醪香上柳枝江山須縱覽豁達兩心

知

靜惕堂詩集卷第十九

靜惕堂詩集卷第二十

橋李曹 溶秋岳著

五言律六

李書雲齋中劇飲連日時已得大同除信二首

數解金魚飲應憐塞鴈飛江天聞寶瑟秋草戀征衣狂
態愁中減塵途樂事稀故交相勞苦須緩片帆歸
錦石參差列招子盡日來屐從蘭徑濕樓對鶴巢開絳
蠟宜徵舞紅牙本愛才嬉游霜月底京洛首重回

聞大同信四首

使粵曾無補西征薄譴中孤臣惟用拙何以答羣工者
定賡周雅安身濟阮窮冰霜情所寄相許荷山公

其地苦寒

靜惕堂詩集卷第二十

一

晚授雲中鑰迂迴 聖主心自須傷薄劣不敢問升沈

關柳鶯啼斷羌雲鳥陣深預思橫槊暇積雪照清琴

白詡投山僻風前土銼斜寸長收老馬一出負歸鴉霧

暗燕然石春遲代郡花曾聞邊塞樂玉帳擁琵琶

路接飛狐嶺窮陰古鴈門熊羆多壯略簪履謬 新思

鼠腊登筵重駝峰列帳温邀賓歌出塞劍影拂金尊

送施愚山備兵臨江四首

未許青雀舫送子客途中近地寬相憶新除喜至公渡

湖飄嶽雪開署接江楓自賣西征賦心輕武定功

一尊分手去開第豫章遙畫戟攢青嶂鏡歌進晚潮政

平汀芷馥入淡艇煙消大雅參那伯蒼生豈寂寥

正氣悲歌後關西信首稱州民雷怒髮師道泣簾滕

我師

楊機部死節潁川故里則臨江也

箕尾神安托孤兒學未能期君敦古節激

俗見風稜

南顧宵衣切清江敷建牙城連三楚岫旌拂五谿花遠
馭青驢壯離歌彩鷁斜寸心知已在不復望天涯

答友四首

隔江通訊久握手倍懽然愛駿疑支道揮金揖魯連石
牀栖隱夢露葉下谿船馬背長安客終當媿醉眠
忽厭樵風渚西吳又買山著書徒自苦學道不如閒垂
橐金戈裏攢眉玉磬間更須營釣艇月底唱歌還

五月湖心淨荷花客館疎夜燈裁句罷沙埠泛舟初衲

靜陽堂詩集卷第二十

二

子時參席山公肯報書近知寬法網瓜許故侯鋤

青蓮詩百卷往往說猖狂倦轍存蓬鬢吟幽到草堂洗
心論道德游世喻微茫自結深交後無虞大雅荒

爆竹

藉火傳聲遠何人尚象來山深同擊竹春靜已聞雷震
動參兵氣飛騰用物才果令魑魅息遷客不須哀

夜過周氏南岡小飲二首

不辨星榆逕燃松隔水明園林爭媚客書畫足銷兵擊
柝傳秋氣飛觥亂雨聲別知清意味憶我宿江城
漏盡催歌板尊前不厭狂沙禽閒遶座露柳密分行瓢
笠朱門外兜牟白眼傍寒烟通溧渚弔古意茫茫

歸舟三首

野舫尋常有晨風到里門
蝶斜飄戍火浪黑舞江豚
老厭詩書累饑憐骯髒存
山窗蘿月冷待我拂清尊
綺麗南朝路淒淒忽晚秋
落潮虹飲夜衰柳鴈橫舟
欲弄桓伊笛先增衛玠愁
客踪何日定倚枕問江流
與世無拘束何悲齒髮殘
忽過京口聞重作盛時看
蛩助秋更急花連水驛寒
休文耽韻理腰帶近來寬

舟中

送客邗江道秋船犯荻花
夜間砧轉密寒驟酒難賒
松菊陶潛世煙波范蠡家
半生多失計矯首動長嗟

喜值袁籜菴贈詩三首

韻暢堂詩集卷第二十

三

聯舫邗溝路雲濤興渺然
柳無經歲別月似故鄉圓
老淚沾歌板歸裝儉秫田
桓家寒具美一飽足高眠

籜菴以環餌餉

救貧無善策長歎各征衣
江上風波闊前喘息微健

帆因我住古調向人非
近註蒙莊了逍遙是德機

曾見熊幡出章華弔故宮
罷傾沙市酒閒挂廣陵篷
六代鳴弓外三山拄頰中
盛傳金縷曲吹盡柳條風

籜菴罷荊州守

歸僑居白下

贈陳伯璣二首

匝歲還相見江邊客况新
囊空沽酒夜詩瘦浣花春
北里休成志南禪且結鄰

伯璣有體疲之恨近止於僧廬

詞場多後勁孰可共

松筠

伯璣方選
近代詩

知我編摩僻開箱贈古雲

伯璣製
墨甚美

詩成多削藁老至學從

軍

子自
傷也

湖鴈當杯起秋鐘倚杖聞寂寥還妙理丹轂任縝

紛

贈龔半千二首

千古論交地丹鉛托興長江烟開畫卷風葉媚書堂已
悔藏身晚猶傳貰酒狂黃塵休置足雷取濯滄浪
真隱惟君在松風下廣除科頭看介冑脫屣悟蘧廬唱
和存同調山川夢不虛紅橋歌管歇清嘯滿樵漁

飯半千齋

小巷秋停騎如君自可親竹叢江影碧書帙古香勻菘

靜惕堂詩集卷第二十

四

米霑匙滑霜螯壓酒新未知塵宇內狂簡更何人

懷易知微總戎二首

濠畔叢蘭館年前倚酒過珠簾看海舶玉帳臥蠻戈苦
節髡鉗久新交肺腑多鴈羣翻北向飄泊竟如何
近聞霑寵命軍壘就檣柳旗閃礪州月笳含僭耳霜對
暮思決賭燒燭負聯牀老我山棲久遙知淚數行

顧修遠出示藏書目錄

兵厄三江歲牙籤各散亡寓園丹血慘拂水絳雲荒遺

燼歸才藪新題倒客囊借抄君已許未暇話滄桑

寓園和
世培侍

御絳雲錢牧
齋宗伯也

尋柳港寺遺址興復未能志歎二首

塞外葫蘆海奔雷噉五原遇秋渟雪色鑿翠到僧門鳧
鴈鳴鐘散泥沙盪漿昏十年殊景物葭蕩厭空繁
不見鳴鐘久浮圖敗甃中石崩松轉細野涸擢難通春
換朱欄月涼吹鐵鑄風游觀吾未暇疾首爲哀鴻

答曾庭聞四首

詩中風雪思來自赫連城壯士揮金盡燕姬並馬行衝
寒河套直入塞戰場平爲我嗟離索停鞭話晚晴
兩度過駕水車書失會同那知鷄黍約翻在道途中臘
近椒盤酒陽回玉琯風西郵兵事減寂寞數英雄
避地河西好移家傍賀蘭時名尊鴈塔鄉夢落魚竿射
獵需才備山川倚險看聞君驅馬出靈武至今寒

靜陽堂詩集卷第二十

五

獻書金鳳闕猛氣欲干霄友籍存關尹離吟付柳條陣
圖沙磊磊邊鴈影蕭蕭郡閣開尊處征笳夜不驕

聖水塘二首

問心經殘堡提鞭出萬峰丹砂潛洞壑碧瓦甃蛟龍僻
遠人誰浴坡坨草正濃幸存資灌漑伏臘走三農
定有湯池穴通源苻藻中重岡融地脈陰火沸泉宮仰

塘上有龍王祠

鏡吹圓霰迴瀾起惠風堅冰方此日變化怵神功

寄徐雲門二首

自我來荒徼重令鼓角清天遺黃髮老詩重白登城遣
使衝深雪馳箋報早鶯星橋消息近預約酒頻傾
蠶尾勤相學欣看後進雄偃兵他日事勒石古人風大

積青燐外寒崖絳帳中吾方憐稚子黎粟但求豐

雲門有子能書

懷顧寧人游秦二首

子午關前月君看八度圓定因朋好隔不向酒罍眠節
暖催人柳心孤泣杜鵑西都新賦藁驛使竟誰傳
懷賢宣室下歇馬灞陵東一灑興亡淚誰云道路窮冰
霜曾夢草秦漢幾飛鴻歸日論碑碣英華滿橐中

王鵬臣參戎談覺山廢寺因記二首

覺山何代寺聞道已凋殘石井幽泉出春松古殿寒瘡
痕僧更苦鞍馬興仍闌待取豐登日曇花遍講壇
穿峪尋蘭若將軍濟勝心銳師除虎落尊酒過峰陰雀
啄豐碑斷霜埋亂塔深頰能傳舊蹟不必布黃金

靜惕堂詩集卷第二十

六

早二首

零祭西人肅環邊已罷耕熱風吹站草沙氣暈山晴野
哭宵尤慘兵饑命轉輕蒼穹高不極何路達精誠
聞說今年早恒陽及晉陽泉流爭滴瀝豆攏臥牛羊杲
杲雲霄迥荒荒道路長蠲租應有詔旰食待封章

喜雨

果見分龍節滂沱應禱來麥苗雖驟槁秋圃幸全開青
接恒峰潤陰蒸渤海迴傳呼賓佐集醜酒白登臺

與照千臯思同春亭雨坐四首

伏日連陰起潛聲入夜聞桑林初罷禱瀚海舊收軍晚
耨田功苦催寒地脈分聯牀賓侶集不復怨浮雲

膚寸來恒嶽煩蒸勢欲無
河流朝飲馬城角冷樓烏家
泣揚炎稅天高鄭俠圖
徘徊兼善策只覺旅情孤
閩嶠論交晚金臺感遇初
相逢當一笑勝日復三餘柳
重全欺燕潭喧欲上魚乍疑
佳麗域插羽斷邊書
銀戟清光內環蔬構短亭涼
深閒夏簟晝黯動花鈴絕
傲隨風急愁心罷酒聽何時
牽釣舸沾濕下鷗汀

雲中七夕

旌門殘暑退秋影坐來寬
月爲他鄉白星憐獨客寒
樓高初韻杵瓜脆亦堆盤
拙宦容邊俗蕭疎意自安

蔡介滋轉運河東揭古碑見貽奉懷二首

塵起飛狐道愁居逼歲除
故人河上住美政近何如
柳

靜惕堂詩集卷第二十

七

閨催春細鹽池釀雪虛莪莪姑射色千里照征車
金薤前賢蹟秋風瓠子臺斷碑看虎臥古意伴鴻來
拙宦朋相慰荒庭酒一開東都車馬盛獨數議郎才

歲暮贈月如四首

寒齋聯短榻未覺塞塵高
霜影浮龍首泉香落兔毛
游增詩律健醉緩客心勞
移得長干月清暉滿佩刀
竹籬圍土屋玉硯洗冰花
儘有林間意無妨閱歲華
枋榆生自養丘壑晚看賒
已約浮江擢東陵莫種瓜
鐵馬千羣過焚香偶晏如
衣乾離後淚雪覆讀殘書
枿冷穿宵急燈青映鬢疎
此生多寡和賴得友朋初
至日懽相見椒盤忽四筵
風庭狐貉淺火種蔓菁圓
旅

話銷銀燭山情引畫船驪駒休便發嶽色正蒼然

寶坻銀魚

鐵鱗來自遠凍壓九河流照火銀絲細含冰玉鬣浮微
生勞網罟殘臘備珍羞願藉雕盤寵常將素質酬

雲署食蟹

久負持螯約霜庭遠贈偏平生滄海夢酒菊花筵水
族邊氓駭秋容越客憐昔賢譏郭索拙守意陶然

贈尹生二首

攬鏡非強壯胡然塞外行旅愁憐麴市夜枕厭驢鳴命
達前賢少詩工造物輕那知孤嶺北還值棄繻生

投我江南弄塵容轉自淒磨刀潯水上走馬鴈門西絲

竹懷全減登臨客未攜歸裝勤料理狂喜話幽栖

入廣昌縣

大同東境

莫以殘疆小金遼古帝京馬盤春溜仄旌耀雪峰明左
謫防叢脞孤心挽鬪爭流離多赤子刻日繪圖成

靈丘縣

自聞青犢散近郭有農家湍折疑虫篆峰攢辨虎牙荒
碑燕草細高塚趙煙斜雄鎮風竿外兼程到晚鴉

過北嶽不得上二首

嶽翠迎油幕喬松接道香褰裳趨斷瀨帶雪阻飛梁頗
羨黃冠逸須拋赤紱長瑤笙吹不絕花下憶天漿

竟捨林巒去躊躇隘口泉何緣登絕頂一爲采瓊田雷

篆金輪轉芝香玉鼎圓近時肥遯少許我著先鞭

鄉人吳伯虬至

風定聞簷鵲鄉書恰再看山程驅馬窄宵餞削瓜寒性
僻黃金怨交深白眼難無須勤憶我早晚在漁竿

陽和西山小村四首

白登西畔路失喜見松廬瀑雪浮山去花鬢出燒餘里
存農具古歲與獵場疎邊計籌粗畢春來此寓居

徐子嘗誇我張園舊得名鑿泉榮萬柳塞幔隱孤城風
榭紅梨落冰天白鴈橫若逢沽酒便須解鷓鴣行

狼烟潛斷處赤葉墮深溝樹密移牀冷潭空隔堡秋橋

堪盤馬過石豈挂弓雷

村爲張總
戎別墅

物役慚車耳漁樵願未

靜惕堂詩集卷第二十

九

酉州

代北山多赭幽齋特迥然澗聲移戰鼓日氣拂莎田父
老游相狎桑麻興轉牽騎迴添悵望佳處失周旋

陽和城

晨暉攬繡袍馬背敢言勞金鼓新衰耳關河上彩毫拓
邊荒幕遠弔古漢臺高游俠如堪命千金市寶刀

天城衛

屏樹遼西闊瘡痍換故封秋陰籠易水兵氣截居庸筋
力張弓瘁田園對酒濃未當拋薄組邦本重三農

鎮門堡

赤棘團遙寨腰鎌日暮歸健丁思用武射兔每成圍淺

草驕珠勒嚴霜透鐵衣
權場今已閉雲錦憶芳菲

保塞有門通市

鎮川堡

野帳難安枕荒鷄客便行
露濡無碧草厓缺見高坪
傍水兼樵爨臨邊息戰爭
前軍方校獵奏賦待儒生

得勝路二首

萬仞真天塹丹厓劃水門
石苔龍氣息沙雨鴈飛昏
甥舅名王幕琵琶戰士尊
無需充國奏禾黍匝荒原

捲波憂驟馬青海落應遲
墩草斑銅弩鵬雲轉繡旗粟
容羸卒飽界逐古城移

城屢移入內

中外都忘戰征夫敢致疑

彌陀山寺

倒嶺蹲雲外螺旋谷自陰
微茫看世幻鋒鏑悟禪深
蘚

靜陽堂詩集卷第二十

十

駁飛空錫沙黃布地金素甘
拋俗累奔走負初心

助馬路二首

壁勢緣城峻雄兵枕大荒
鱗烟枯羽箭桂魄晃銀槍
牧

馬存殘戶韉鷹上古牆迴
驚蒲柳弱終日在沙場

沿邊多鱗寬

五原分部落職貢迄今通
春柳閒金甲雲谿散鐵驄
燒迷都護府雪洗代王宮
夜午聞哀管飛霜入鏡中

牛心山寺

右衛城東寺香臺積鴈毛
一川融夏雪衆壑舞松濤
落照牛羊小懸崖日月高
欲畱談勝諦長劍愧粗豪

左衛

建牙專地勝百雉儼分星
榆葉飄金鼎鴻棲倚玉屏
阜

崩秦土赤草發魏都青絕域偏游目何殊適四溟

衛有榆生鐵鱗

中

右衛

王會通西極孤軍應接難募耕黔首活減竈碧山寒奔
潦穿沙井即沙陀故里飛樓俯紇干羽書連歲絕送喜入長安

殺虎市口

障壓初連斷砂騰瀚海昏哲王非貴物屬國自推恩駝
馬千家市金鉦萬里屯紫宸方執玉表餌莫重論

威遠衛

銳石衝波盡丹泥百丈高陣雲屯虎豹隰露颺葡萄僻
站惟供馬凶年肯賣刀兔葵交井陌惆悵教耕勞

靜陽堂詩集卷第二十

十一

平魯衛二首

舊是貔貅地殘營數百家身微多遠役秋爽失長嗟病
馬驚墩角尖風攪峪沙方知九州外竒境未曾賒
恒北峰聯峙槎枒列陣雄星低蒙畫戟夜靜響琯弓世
味萍漂際鄉心酒病中青冥看萬里無力溯長風

乃河堡

飲犢來窮老間耕屋上田抱枝游野鼠穴土挂飛泉雪
斷燒山火風生射虎弦羊腸逾九折吾意復條然

老營堡二首

蒼磴餘千曲人家駿馱中雨凋金鎖澀電閃礮樓空釀
黍供軍讎牽車驗土風晚晴陪節使小隊出城東

關外無平坂，顛厓擬折轅。日光寒絕漠，河勢析中原。束縛謀方拙，經綸道未尊。何當臂蒼鶻，深草獵樓煩。

偏頭關二首

排山尋險若按牒，古林胡虎將方聯。絡花門舊有無人烟，邊馬半官舍。夜援孤趙瑟，懷清奏風前。倒玉壺，出谷還攀葛。渾流到馬羈，驛窮參井域。秋健鼓笳天，騎射覘強國。蒿萊奪有年，宵關頻草賦。自古宦游偏。

馬涇崖招飲

弟兄今夕酒，百里聚星沙。選騎徵冰鯉，迴風出炕花。簾垂關岫紫，月起戍樓斜。銅柱移天北，勲名自足誇。

贈保德守蘇生紫二首

冰月黃河鯉，金盤作鱠香。網求煩好事，酒渴在殊鄉。身學沙蓬轉，書傳海鴈長。興王才不乏，窮塞總循良。歲久艱消息，相逢苦論詩。自非高世度，應怪老夫癡。鐸鐸鐸山慘，鯤鵬變化遲。殷勤經遠略，樽俎勝偏師。

偏關夜宿聞砧有感

蕭關無驛使，未得寄寒衣。相憶秋方半，寧知葉盡飛。淚痕清露濕，黛色遠山微。今夜江干夢，依稀萬里歸。

自偏關還大同途中作五首

樓角欹相射，迴岡箭括迷。川陵圖屢變，寒燠歲難齊。駭沫吹厓轉，陰房壓土低。客程貪自數，伏軾聽晨鷄。陣雲連絕岸，兵退尚郵亭。碎石溪盤黑，枯槎雨鬪青。晚

晴官似葉秋夜客爲星欲上層樓宿蘆笙不可聽

八月霜初厲營田失有秋宦窮安瘖壤車做泣高丘軍
旅誠難學滄洲尚可求邊山無杜宇歸夢轉悠悠

老態今年甚秋來百事非近知勞逸定不使醉吟稀
草暖看羝乳天青縱鷓鴣飛勿矜雲鳥略寧靜本戎機

仰面攀巍磴驚渠俯噬人黃狐啼向暮青壁碾爲塵介
胄蒼生福餉多則地不亂詩書塞上貧偶除搖落感佳句得陽春

再宿平魯

秋暖偏飛電吹燈驛舍昏候人編馬棧地主進菘根
酒來荒市蘆筍起暗門市口門曰暗門古今成逆旅勞攘復何言

高山城

靜易堂詩集卷第二十

七

郡閣浮青近千巖不厭過平坡添鴈好野渚納秋多
勇向行間習狂如仕路何三句依馬隊鱸膾又蹉跎

贈林二史二首

荔子香中客頻年滯異方錢刀疎趙壹星日亮鄒陽塞
石銘書緩民功謗篋長乾坤秋水闊鷗鳥自清狂林刺應州得罪

歲酒團圞集天畱補罷官鯉庭秋興發姜被旅愁寒
文格傳龍節山裝具籜冠聖明前洗詔旦晚下長安林有父諸弟皆

能詩

寄申鳧盟

鶴警風亭夜聞君宿晉陽隱仍通意氣名偶著文章山
翠征衫濕秋晴野蕨香平生雙屐齒龍性故飛揚

客貽懷慶誌

王屋青蒙裏書來抵臥游瀑封蘿薜晚壇合鳥蟲秋騷
賦埋王逸烟霞老薛收

懷覺斯行
搗兩宗伯

塵車南邁日先上濟源

樓

鴈門關三首

萬級摩霄出丹樓裏怪松仄停千歲雪風遞隔城鍾鉦
石斜攔馬崩湍逆上龍乍寒征鳥盡獨立數遙峰
夕照通勾注蒼煙吐代州已成真鎖鑰安取更兜牟
峭藤根曲天低鴈字秋入林亭榭僻倦翮且淹留
削翠流泉側乾坤燕喜時止戈傳近世設險動深思
月白劉琨嘯山頽李牧祠危途饒勝覽盤礴未嫌遲

靜惕堂詩集卷第二

十四

雲中秋暖

屈指囊茱節羔裘喜見疎物情如得歲天意或憐余閣
敞流蟾影邊空緩鴈書北來無桂樹追憶故園初

郭生過

漢臘將窮夜郊寒雪氣來西齋畱宿火殘月下荒臺松
柏堪徵性幽并不廢才喜憑豪士語一照寶刀開

懷倦圃二首

歲滿龍荒住妻其鬢影斜風林存舊業春浦隔南垞竹
密鳩啼晝池空月在沙近添新畫卷渺渺動浮槎

月如篇
我作倦

圖

薄有娛賓徑湖開范蠡祠牆陰延碧岫春色漾青絲塵

塊謀生苦禽魚得主遲備邊無上理空負菊花枝

雲中雜詩二十四首

舊說三雲好琵琶酒市樓王孫多挾彈少婦解含愁水
曲龍舟出花間鳳輦游春華難自久不必怨貔貅

兇帥黃巾族名城致陸沈姜瓖之變焚巢天不惜檻獸爾何心

路捲殘骸白牆頽古鏃深痛思生聚理杲日尚多陰

中林揚廣莫物產未全湮采鑛青厓濕熬鹽紫陌塵貢

金催賣犢里市泣懸鶉力耩沙田晚鳴鳩五月春雲人謂春耕爲耩

耩

亂雲青海上台古幾家存逐水分王帳牽駝欵塞門賜

多寒女帛守臧銳師屯赫濯皇都氣環居奉至尊

靜陽堂詩集卷第二十

十五

龍馬清池出今從別部來金龍池尚存鑿蹄奔日近夾鏡照霜

開春草沙城苑珠鞭帝里臺駕車新敕斷磊落見雄才

反裘尊令甲千腋聚豐毛暖謝鄰醅澀輕欺澗雪高林

鏡張虎節獵鼓怒鷹條那免拘儒笑豪游信所遭

發粟思前哲舖糜集餓夫幾時春澤下悉免稅錢逋傳

警墩煙閉澆田澆水枯廣衢朱轂滿曾是古名都

炎光何太駛水井鬱難開藥架殘新霰霜陰迸晚雷晨

昏魑魅語沙海榻盂來憑弔馮唐老空辜漢主才

無衣聞夜哭穴處戴丘岑石墨蒸烟濁砂鑪陷火深突

黔仍九食土燠廢重衾附熱崔崔者安知臥雪心民間熾石炭以

代衣

天涯過小至晝刻爲愁長酒遞關南滯

雲無酒每求之代州

蔬盤筍

後香

穴土爲深室冬月植菜其中

民風懷戰伐客路遠牛羊想像臨湖園

梅花滿屋梁

余倦圃在范蠡湖上

蒼龍加丑月伐鼓召邦人塞影飛烏昃宵光吐彗頻囊

空驚米價塵起污車茵肝食收封事羣方仰至仁

楊給事雍建有

修省之疏

支麓漁陽圻陰沙上谷穿只今多服馬不復訝戈鋌道

折秋霖表人來野燒前鄉愁分夜漏靜氣叶冰絃

錫斲新至

絕壑旌門啓三冬轉索居霜枝銜凍鶴關市走冰魚

冬月

化俗琴書緩埋憂麴蘖虛寥寥羣動息自得我生

初

靜惕堂詩集卷第二十一

十六

遠客知寒早藜牀惜牛羶鼓沉調馬路風黑射狼天粟

賤增溝壑軍食尚管絃南鴻飛更急倚杖數歸年

五原推險絕芳草故難生飲散霑斜月樓空送晚筆賓

僚懷庾亮今昔幾陳平莫話封侯事經過喜罷兵

一片江鄉月岩莛到戟門叢厓狐嘯夜深霰鼠窺墩地

界條風隔行廚藥竈存烝黎方待救時憶叩重關

爨勞悲兼值偏隅厄閨多熱風吹馬邑漲水助滹沱守

職監司冗推恩

制詔過

有詞十五年以前積逋之論

殷憂應得歲東作

慎蹉跎

新報襄南捷誰憐轉餉寬車書同四海士馬溢長安薈

食私謀國霜毛愧據鞍茱萸開酒醖側帽不知寒

附籍并州通軍符數出關雲在昔蛇蟠燕趙關虎旅歲時

閒凍草侵金井金鳳井明春雲帶火山清涼多麗矚須踏

化城還五臺距雲爲近

九塞清無擾星移戰甲塵佩環遼剎古華嚴寺有羊馬權

場新毳服沿三夏粃盤配五辛土人呼蕎麥爲粃向人詢疾苦風

俗自相親

一線盤貔虎高臺上碧霄選徒驍騎少通道拔升遙旅

感沙禽散秋筵木葉凋燕然無恙否空擬驟金鑣拔升在殺虎口

外

代郡聯嘉客三旬一寄書隔峰沈夜柝爛醉憶春輿別

夢煙塵恐勞生海嶽虛會當勤絕學敢負歲寒初懷李天生

靜惕堂詩集卷第二十

七

清影眠軍帳飛騰羨早鴻郭敬溝墮石樓急柳呼風晚

食冰天外家音戍管中壯懷舒萬里猶是阮生窮

荷衣趨走敝飄泊未忘情門啓張羅暇心安射蜮輕小

車行赤磔五斗狎春城肩鉅非吾事吳西許退耕

答趙懿侯二首

晉地經年早春郊雨又遲瘡痍情不細感召理難知秦

策長沙涕憂生鄴下詩旗亭聊頓轡貪與故人期

吳苑傳佳政還家舊草堂賦心珠斗亂苦節雀羅荒健

戶過兵竄鞭車問客裝慙勤酬令序山澤少冰霜

襄璞招飲郝園五首

塵緒呼還起林亭了不猜行厨勤地主好客見雄才衆

嶺簾前出殘陽酒畔開近驚江彩盡樂事莫頻來

驟馬城東道荒苔浹日畱釀清沿白隨旅倦狎青丘砌
石幽承坐風花晚上樓多情金縷曲蕩滌阮公愁

戶外羅芳岫遙遙翠影齊露蒸人柳濕榭逼女牆低朱
邸何年換銀鞍觸處迷凭欄休感舊只聽早鶯啼

園乃故王孫第

政餘修逸事選友恰忘形早日憐藤蔓狂吟落酒星三
更河漢白雙屐兩煙青祠上游應續南臯指玉屏

子屢約過晉祠

而未

暫割憂時淚逍遙意自雄拂箋酬晉問臨水憶江篷駒
隙看花永鷗絃倚劍同邊笳催我去千里共春風

璩鞠思過集同春亭即送南還二首

靜陽堂詩集卷第二十

六

荒後賓厨薄幽期肯數過暑亭開白雨醉語狎青莎寒
近閒金甲書成抵玉珂夜闌傾倒甚天地有高歌

龍眠招隱地歸馬發花前何意賢良詔猶遲郡國傳省
穴開忝域學稼買春田去住同蕭瑟關門落日懸

懷吳采臣三首

羈客情偏甚徘徊日已昏淒辰懷玉友疊鼓動旌門川
凍聞麋過天高喜鴈存賦才多謫籍幽怨滿乾坤

北望居庸道懽娛類昔時油囊張茗讌銀甲召箏師碧
野鴻飛近黃河柳絮遲風流推季重鞭弭願驅馳

三晉膏腴地邊隅祇寂寥頽逢圓月影相共歲寒宵閣
敞明花簾霜輕暖玉簫知子無俗意書到酒盈瓢

答譚舟石舍人二首

馬背過寒食羈窮不自憐五雲餘舊友千里送華箋黍
谷吹冰起糟丘倚瑟傳東風空底急無計買歸船

何年乖把袂重憶鳳池清夜直宮雲轉春衣御柳輕勝
遊銷令節麗句灑邊城自此勤鴻鴈鄉心在玉京

寄米吉土二首

關下三年別風光又柳橋天迴芸閣曉夢盡玉河遙鯉
素雷肝鬲龍堆動寂寥芝蘭雖暫把無力共雲霄

與今詞
紫來相

值晉
陽

見說攤書健常拋駿馬塵漏移蕉葉暖花發鳳毛新玉
躡傳家世金門托隱淪好偕東海客抗手摘星辰

謂萊陽
宋玉叔

靜陽堂詩集卷第二

九

太原遇米紫來贈余漢印賦答二首

居塞難求友何辭彩筆枯春生汾水綠書慰鴈行孤蒼
篆驚魑魅珠囊轉輓轡柳邊貪夜話幾欲悞征途

集古編題後悠悠絕賞音琳瑯開萬帙鸞鳳洽微吟車
幔看山瀟雲亭倚酒深寒風吹旅篋惆悵報南金

聞文公新構半齋成有寄二首

舊日停車處山園竹樹寒愁憐三歲別書報五湖安選
石開幽檻臨秋漱遠灘禪心雖迥絕爲我夢征鞍

卜築當重九清關菊幾枝振衣朝市外高眺兩霜時物
變催真隱齋居許論詩谿山千古事休訝買鄰遲

遇與三晉陽邸中出觀元亮近詩因贈二首

絕域蒙恩返驚看鬢尚青關山供點筆仕隱各漂萍沙
路畱春騎鄉思傍酒星何緣呼趙瑟慷慨夜深聽
太行山下客幾日離青州謫宦身猶健賓筵與未休贈
行驚凍柳寫怨滿雲樓予亦藏身晚相期共白頭

懷艾賢三首

銀戟圍殘夜頻銷薄宦年路岐曾把手與到各停鞭世
秦兵聲減關晴鴈陣圓素絲頻自詠不必世人憐
同凋惟君在浮沈緩鬢絲雪寒難服馬樓靜憶彈碁矯
俗心偏壯封侯數任竒晝闌開酒榼遙對亦忘疲
晷日沈沙去孤臺應遠砧青燈懷土淚黃髮報恩心萬
卷貧相倚浮雲懶漸深郵書聊借問何處許幽吟

靜惕堂詩集卷第二十

靜惕堂詩集卷第二十一

馮李曹 溶秋岳著

五言律七

園中寓目二首

幽事無人問，淒淒逆旅心。
亂峰初掃黛，弱柳漸含金。
止酒狂名減，披裘晚節深。
北庭傳羽輟，曼倩得浮沈。
春至何曾覺，窗中漾玉沙。
晚晴喧宿鴈，隔嶺憶飛花。
壯惜塞旗晚，行隨荷鍤斜。
無窮懽賞意，拋擲向天涯。

丙午寒食日三首

丘壠長天闊，難舒寸草心。
時光榆柳變，坐臥雪霜深。
澆飯空相命，啼鶉直至今。
乘風良馬疾，歸興發長吟。

靜惕堂詩集卷第二十一

一

稚子驕能語

桓兒九齡賦詩寄子

雲沙滯綵衣，那知還憶汝。
終日送

鴻飛笛暗秦城雨，花濃范渚扉。

子家在范蠡湖上

策勲都未遂，空

使故情違

年少嬉游事，春衫越水濱。
索居猶望遠，令節祇愁人。
山暝黃鸞聚，樓融赤柳新。
寄情隨物色，何處得吾真。

苦菜四首

星鳥司中後，陳根吐隰田。
歲灾頻有藉，鼎實故難全。
觀物艱貞寓，加餐砥礪偏。
詩人休却步，宜在首陽邊。
酌堇娛仙客，甘荼載國風。
野蔬名特異，火德秀居中。
紫塞暄和淺，蒼生慘瘁同。
荒厨欣有托，肉食任三公。
攜筐晨入市，邊俗代餽糧。
本愛酸淒意，兼分雨露香。
農

功停錢鏹世味洗膏粱七筮留吾久尊羹怨故鄉
莫以微軀賤曾登禮樂林耐貧良士節補闕諍臣心幽
薊春暉邇生成 帝力深蒙恩終見采清照玉盤

棋公饋酒四首

欲覓忘憂地今看畫錦人友邦勤問訊尺牘離風塵銀
甕葡萄熟金罍琥珀醇當關遙共語起舞酌三春
醒厭山川在經旬每晝眠鴈聲寒席戶花氣轉氷天薄
劣供青眼雲霄送錦韉紛紛車馬會北阮日高賢
通綸嗟在苒鉏菜已衰翁論古漁樵外忘機虎豹中一
身輕做屣五斗報飄蓬咫尺承芝蓋誰云樂事窮

邊柝無聲夜開懷此一時別離誠易老酪酲未全癡日

靜陽堂詩集卷第二十一

二

麗芙蓉暮天雷馱鐵詩

天生附詩來贈

重聞懸榻待風絮拂清池

晉祠觀水十二首

岡陵多勝蹟宇宙此勞人路入金波晚筵開碧樹春餘
齡專阮屐回首憶吳尊車馬無年少深林喜絕塵
桐葉辭柯日沿流沂古封分藩曾帶礪報祀獨雍容歲
改唐風儉霜連代嶺濃水輪翻不歇雲母夜深春

無復祠官守瑤壇任倚歌松杉存社稷樵牧厭兵戈傍
席琉璃滑分風菡萏多眼中賓客好作賦幾迴過

壁有崑盟照千

天生錦濤錫
夢紫來雷題

別殿慈顏答明禋即澗繁展親周典重備物漢儀存環
珮參仙仗龍蛟夾畫幡邦人懷聖澤滋漑滿郊園

聖母祠
臨泉源

上之

王氣纏西北真人虎視偏泉香殿薦日柏老義旗年罔
勢蟠龍鳳林光淨鎧鋌銀鈎清不斷撥蘚見雄篇

唐文皇
禱於叔

虞祠而起
兵舍碑存

青壁千尋下靈宮結構殊煙絲搖玉瓚簾影拂珍珠靜
覺雲濤闊來忻騎從孤日移氷簞冷消息近蓬壺

小雨冥冥濕苔梯不可登川巒凋象緯蒼翠闢觚稜鬼

祠前有
金人四

語千年鐵甌香午夜燈出門無盡意破悶托蒼藤

上有吹笙宅崔嵬少四鄰得眠非逆旅此外只風塵藥

朝陽洞
在祠上

道人
居之

靜陽堂詩集卷第二十一

三

念往增愁緒臨高選賦才地幽移岳瀆身到洗蒿萊亂

水潛蛇起虛亭宿鷺開江湖游泳數狂喜異從來

地脈臨河去神源遶塞還金沙如鏡裏石髓到人間出

入妨垂釣艱危勸買山布帆應可惜欸乃夢鄉關

懸甕斜通漠橫汾近隔城池開星點密野散瀑花明簪

組餘今日烟霞護此行更須諳釀法斟酌遂平生

石窟俄驚宿鴻濛卒未窮題名黃葉上繫馬碧雲中蘿

薜浮孤磴龜魚戲晚風良辰歡賞畢泥飲晉陽宮

汾水

汾水年年綠徒驚倦客心野暄聞撲棗天闊送歸禽蕩

槩江南思銷烽塞北陰中流風力勁簫鼓發長吟

贈清源令張夏鐘二首

汗漫并州路交遊快比肩題襟明月下瀝酒菊花前整
俗須朱紱銘心近碧泉加餐他日事雙鯉許頻傳
蒲柳勞相問裁詩閉閣中時名高買犢別意指賓鴻學
道冰絃靜尋春錦帶工清陰方照遠蕭瑟塞垣空

答龔升璐四首

五十無聞後豪吟實浪傳飛騰慚碩彥塵土荷周旋晉
柳淹征馬吳堤冷畫船終期鄉曲久寄傲晚香邊
偶逐羣鷗去庭虛擁篲迎乾坤高會少離索旅愁生蓮
幕瑤樽暖山書玉躑清恨無登覽共枕石飯青精

北闕晴聯轡南荒夕放舟君家中執法契闊動三秋鏡

靜陽堂詩集卷第二十一

四

鼓通鴻字星晨擁鳳樓金饑關塞急安免涕交流

千里披圖近萍踪把臂初黃河看不厭紫邏戍還疎翰
墨來天地煙霜間起居華筵飛蓋集秋興復何如

升璐在清源署

中

送周月如

山勢千迴抱君今欲去難醉驚銀箭急折怨柳枝寒嘯
詠非忘世江湖恰罷官鴻飛良可慕時倚素琴看

晉陽遇惲含萬畫山水見贈喜賦三首

北堠淹三暑招攜絕俊流遙天開雅集軟語識鄉州酒
態同年少窮交各暮愁元方墳草宿淚落五陵遊

含萬兄道生余

交故

二晉無幽地塵沙祇困人丹青驚乍見嵩華許相親樹
杪分茅屋風前出釣緡此中真可老不必買青春
董巨名難繼荒荒直至今窮工卑院體惜墨驗文心後
起能驚俗分貽爲賞音浮槎歸未得目斷五湖陰

送朱香侯還里

古塞垂楊晚鄉園定若何離情杯側起春序雨中多石
磧羌人管旗亭趙女歌藉君將遠信西北少干戈

同錫鬯出鴈門二首

二月無新柳風高透鹿裘遠烟思邸舍濁酒上關樓故
友懽相得殘書冷共收願賡天保什蠲賦首并州
碣石遮山口霏霏細雨來侵燈驚雪色向暖帶花開麥

飯隨民俗更籌隱戍臺偶然希遠馭白髮未須催

紀事二首

上林多苜蓿苑馬極西來國語遊民譯關符互市開黃
輿星海闊白晝鼓笳催武略雖全盛須徵定遠才
白氍纒腰領相沿號喇嘛虎豹馴杖錫酥酪泛筵花象
教原無外王仁况一家古來優賜予消息爲乘槎

十月一日二首

雲西無穰歲驚喜六花飛賦薄雷芻吏天寒散鐵衣汰
軍千慮失謀野一身微消息神京近恩波定不稀
土橋冬溜澀虎網斷行人物色添悲壯年光混屈伸齋
居開舊釀山夜出幽燐莫覲通侯賞蓬婆總外臣

雜興六首

野燒城邊路年年送客還望雲家尚遠聞笛鬢俱班夢
雜窗難曙吟孤雪滿山醉眠芳草遍玉勒未曾閒

一室渾無賴鋤瓜減晝眠今年秋尚煥獨客酒難捐濟
險衰時暮耽狂任世傳阮家饒螭屐顛倒七峰前

處也

城西七峰山勝

新結黃庭侶風林愛我貪閉門過邏騎抱膝度春日
月壺中影巾裾夢後身一從紛擾息往往得佳辰
乍辭羣動役宴坐止匡牀客久兒童怪文繁智勇荒土
酥催夕讌沙鳥下空堂何限周南感浮雲暗帝鄉

澗水奔濤隘恒峰翠柏深救貧營廢圃遠患羨歸禽

靜陽堂詩集卷第二十一

六

千年蹟吳鈞一片心喜隨諸將出射雉下平林

步障桃花岸烟絲竹葉舟自離江上隱四換旅亭秋豈
暝常燃燭尊空又典裘愁山看總厭斟酌下簾鈎

丙午十一月自太原還大同途中苦寒十六首

曆紀陽回後微陽故伏藏西風排雪至北陸限天荒困
頓才應盡驅馳鬢已蒼逢人詢酒價趙壹有空囊

青壁陰垂地黃蒿冷閉城百蟲猶自螫賤子獨遙征剝
復爭吹律川陵閱戰兵據鞍開晚眺凋謝負平生

吹面銛如削輕裘力易窮荷戈遺俗在憂歲普天同事
業吞氈外晨昏乞火中此間無熱容納手送飛鴻

厚地千重裂洪河一線枯鴻鈎如未轉灝氣孰相扶野

晦熊罷喜塗紆鼓角孤萍漂安寓久輒使淚痕無
強飯鷄初唱迴車僕已痛欲知遷客苦宜繪北風圖書
史添塵甌形骸寄火鑪關山徒爾闊無計挽征夫
闔戶羣方肅冥冥攪白沙石渦僵馬骨木介灑林葩伴
侶虛燕玉道遙憶漢槎遂初將可賦何處不韶華
年年疲道路老又出關來寒失驚人句窮堅濟物才鬚
髯水漸結噓吸凍難開草閣能忘憶溪邊已放梅
忽報吞牛去鳴金噪二更生民方薄祐爾輩合橫行嘯
急環山動睛懸射火明安眠高壘上無恙是防兵
雲朔行冬令長空特怒號愁氛凋日月宿傅家坪虎至氣應旌旄郭
暗麋成陣林稀鴈轉高古賢多逆旅未忍戀蓬蒿

靜陽堂詩集卷第二十一

舊日投炎海今茲守塞門浮沈同致謗寒暑各銷魂運
左揮戈志天孤挾纊恩飄搖思自遣取友得清樽
土牆中外界石嶺去來身津合初通馬灰飛不見人漏
移嗥虎豹隧圻辨麒麟瘡瘡傷遲暮皇華義孰陳
倚戶飛花裏桐主逝水餘諸家封建論一代算緡書寶
玦人還識恩綸報不如斂華將物理霜氣未曾疎
榛墟黃日澹膠力燥駢弓免起千山雪鷹來萬里風厨
人烹熱酪舞女奏絲桐妄擬從禽樂歌成意氣雄
幾時停六轡孺子恰迎門堠遠書猶隔離初夢不温旃
垂霜點密谷響燒烟昏撲被依民舍艱貞與共論
此日吳鄉暖裁襦寄尚遙清砧聽不斷何以度長宵鑰

絕境微吟表飛厓尺練中丹青傳逸事臺榭縮春風竹
色攜琴過河聲捲幔通幾時陪杖履洗眼對空濛

同赤豹飲介菴金灘署二首

河朔還高會璇樞指仲冬澤梁冰未結沙館鴈初濃
藻多遷謫陳觴見肅雍花間傳玉漏清氣逼銅龍
離恨從今寫論文不厭真錦堂燃燭夜艸苑覆杯春雪
色催新賦山光緩去輪挽畱看地勝悵悵白頭人

再同赤豹寧人集介菴署二首

客自殊方至同探古署寒盛名懸玉節公謙密雕盤晷
近吹葭短觴因授簡寬及時揚大業送喜到征鞍
地勢燕齊合官階屏翰尊肯容諸傲士累夕共清言夜

久潛陽動天遙古怨存塵中分手易歲晚臥蓬門

安陽乾明寺同右吉夜集二首

顧影伽藍下征心喜不孤風庭懸碩果鄰杵夾啼烏鸞
鳳懷孫嘯星霜記阮途鋪糟翻自厭有約共伊蒲
零落西園後斯文孰比肩年華常欲暮客思不妨禪密
坐嫌冬暖聯吟換夜眠神清鐘梵底枯木吐寒烟

安陽飲許酉山齋中二首

客緒懽相遇珪璋接席看軸簾清靄入飛爵晚颺寒玩
易徵鴻漸稱詩感露溥俯驚蒲柳質無以報加餐
劇論天人際翛然夜漏分坐移洹水月吟映鄴臺雲濯
醉水壺在徵歌玉笛聞何期楊子路傾蓋慍離羣

轉邊城箭帆收越海潮流年勤屈指相憶兩蕭條
仕忝監門養行隨款段塵窮愁參藝苑飢溺滯歸輪莫
盡羊腸坂頻看鵠面人斗杓占欲動花藥待芳春

寄張夏鐘

一月稀相見寒陰遶路生與君同旅思那覺異關城
鴈度朱樓早花飛玉笛輕唱羌當解贈鮮鯽芼香羹
清源多魚故及之

送張登子遊太原四首

鳳城冠冕會興盡輒分攜限日酬詩卷安時起杖藜古
今汾水綠風雪晉山低一片登臨意翛然出鼓鼙
咫尺并州路長風促跨鞍自迴滄海夢應把蒯緱看夜

瀉金罍暖虹飛玉躡寒羣公爭折簡何處足盤桓
地主慚孤陋猷冰贈遠行欲彈同土淚祗是古人情千
里黃雲戍三冬白莽城勗君崇令德借箸策澄清
繡簷珠絡帽寶帶玉螭鈎玩世親羸馬關心倚晚樓得
閒須已述逢勝莫淹畱但祝勤相見花邊入剡舟

冬日喜張樂天過訪二首

讀易閒庭下辛勤念友朋虎踪驚暗谷鶴唳試層冰脫
粟山厨飯抄書戰壘燈最宜同歲暮天地少青蠅
爲樂天嗟佳事也

世網何曾密恒陽得借栖
近知卜居德陽明農泝水北訪客瓦橋
西澆俗心能挽行滕卷共攜簪裾真幻物自古歎淒迷

西存自嵩山還云遇僧一百六十二歲猶健飲啖
欣然賦之

何物烟雲養踰躄不壞身山中無死法劫外得天眞面
壁空多事塗脂亦駭人豈知安敗毳飽歷太平春

塗脂用佛圖澄

事

寄吳采臣二首

臘近貪浮蟻城聯睨陣鴻雅人爲政久令問許誰同歲
矢驚顏駟賓醪豔孔融春風推第一來自五陵東
昨枉郵筒什堅冰便不寒荒庭增氣象晚食報平安國
寶南金重交期北塞寬逐時通契闊柳色動征鞍

劉敷季過訪二首

靜陽堂詩集卷第二十一

九

士有劉蕢感知余侘傺增塵埃雙古劍宇宙一春冰刻
漏冬全緩邊樓夕更憑近窺消息理不惜酒如澆
稍遠燕韓道騎驢過雪泥羣將空冀北教敢擅關西網
戶驚雙屐蔬筵剪廢畦軍中鏡鼓發磊落壯心齊

題成氏浮丘山房圖四首

衛濱喬木古伾嶺瑞烟長迹藉飛仙起堂開綠野香幽
栖分兩露宦業在滄浪獨闢丹梯上層城遶畫梁

翠藹臨瑤圃蒼松間錦林峰巒期置酒緩鶴喜抽簪景
勝餘宸藻山成有賜金即看高臥日萬壑應清音

繫情魚鳥地膏鼎故須輕石笋穿籬密風潭倚檻清救
時還種藥娛客自和羹插架縑細滿真疑閬苑行

子貢祠

存魯聲名大遺祠尚故鄉清風融貨殖碧瓦動宮牆聖
域傳詩遠寒陰薦藻香我來無結騎空感客途長

比干墓

太行南去路遂道鬱森森諫血荒沙赤仁風勁草陰被
封宗國恨不死聖人心珍重宣尼蹟休令野蔓侵

過淇水

路盡逢流水湯湯尚可行痕當霜後減聲近石邊清第
草殷宗碣寒鴉衛武城蘇門如答嘯幽興晚來生

大梁夜集

解組窮邊客來當賦雪時帝都雲五色陸海柳千枝伍

靜陽堂詩集卷第二十一

十一

蕭黃巾散堤平白浪遲銜杯明燭底聊緩故鄉思

遊大梁鐵塔寺二首

昔年青犢盛乘勢決金堤百雉蛟螭入三山峯洞迷

相傳

城中有三山
莫顯其處

世平重巷陌土燥出招提彷彿莓苔像猶驚陣

馬嘶

塔勢凌空起塵埋尚數層琉璃攢壁畫雲霧辨宵燈曠
納三河壤寒雷二室僧歸帆鄉渺高處敢頻登

張海旭招飲索觀所藏書畫磁玉器二首

舊雨懷賢切嚴寒出戶頻投膠看兩世把袂即三春瓦
鼎蟠雲細金題濯錦新莫嗤多變態河嶽未沈淪

海旭尊
人諱明

給諫與
子善

子善

燕几丹樓內賓寮碧火傍石琴龍有沼粉繪玉爲牀履
患貧堪敵逢時癖最妨驪歌聲苑轉洗盞話清霜

子將南還年

大梁客舍贈盧龍韓子新四首

匹馬衝風至琅琅氣不寒如何歡賞處又作別離看洛
汭含琴潤邙山挂劍殘乾坤共搖落難得此盤桓

欽琴士葉魯白

客死中州子新
爲葬之潁水上

曠世心相感詞人墓草中石螭尋已沒文虎視猶雄路
闢斜陽任春清灌莽空掃除徒見此腸斷信陵風

子新曾修李空

同墓又話及魏公
子祠毀未復也

芒鞋辭古塞結字汴城西衆得田疇保途緣阮籍迷傾

壺移夕箭蟻履響霜泥好事成予癖縑細手自攜

子新小禹州居

靜陽堂詩集卷第二十一

三

子有丹鉛侶眠雲歲曆深葦花露曲檻嵩鶴應長吟話
舊翻多戚憐才獨此心雪中艱命駕倚遍旅庭陰

趙寬夫隱嵩山

亦子門下士
煩子新寄聲

半月泉二首

挽衣桑柘逕春野吐晨光碧嶂環溪市珠源近講堂濛
雲生沫細裂石引甌香甃作天邊影蟾蜍未敢藏

久嚮林間味攜瓢酌自寒定從龍窟徙莫作兔弦看幽
穴澄沙見歇亭剪棘寬蘇公畱句後清氣滿層巒

送郭高旭 廷試二首

名馬搖金轡垂楊二月風故人從此別長道與誰同古
意歸燕闕雄文重漢宮近來憂國論多在草茅中

厨俊凋殘後風流見子存苦吟經戰伐短褐老乾坤酒
盡鄉心遠春濃旅舍温定傳天下士意氣動龍門

同秋澗舟行二首

塵甌牽絲裹霜毛出塞中故人多歲別今夜一燈同水
葉鷗初定雲林舫不窮達生猶可學題壁滿江東

桃里農時雨

城南有
桃花里

胥峰渡口花支笻心未足秉燭歲堪

賒擊鼓隨潮去迴檣趁月斜故鄉情味好醉宿野人家

贈石書城

書城吳人客
仁淵暑中

不到淮南郡安知意度工傾都看衛玠入座得袁宏杯
捲金波月松迴玉塵風自來江左客長在綺羅中

淮曲舟中七夕

靜揚堂詩集卷第二十一

十三

篷背過佳節凄然欲廢眠幾迴添夜雨作意寫秋天沙
鳥涼時警林燈濕外圓故鄉瓜菓會應話隔江船

漢汾坦夫招集舟中二首

追悵關河別風晴愛此游鷓鴣依酒旆楊柳辨僧樓坐
久迎新爽歌殘疊晚愁交期方繼繆堪敝客中裘

蜀嶺千年月隋堤十里沙波陰開畫棟暑氣失浮槎聚
散金尊滿興亡玉撥斜無須訪歸路繫纜宿荷花

座客琵琶甚工

維揚遇查二瞻

汨沒林臯久恒思絕代豪家風傳綺繡書札報櫻桃帳
底宣銅軟圖中楚岫高與君通夕語絕勝廣陵濤

贈王築夫

邗水舟車會喧喧錦繡齊先生工屏俗茅屋正高樓百
代雷丹漆三秦照鼓鞀時無嚴武節怱悵浣花谿

梁夫秦人

張忍齋招飲二首

萬里迴朱紱辭喧興轉雄渙花移別館竿鳥出新籠折
簡澄潭上行觴碧篠中餘酣看舞劍壯略話從戎
望從三府辟人在九峰深不作悲秋賦同憐秉燭心鬢
雲明綺席箏鴈響霜林私喜投閒日萍踪未陸沈

訪吳六益即送之移居二首

數畝梅花好長吟直至今檻須添苦竹門自掩清琴微
屬他年事窮歸作者心名山皆汝宅何處許幽尋

杖履經行處茸城一片雲世輕徐孺子天佚沈休文詩

靜陽堂詩集卷第二十一

十四

獲鞦人誦金從幕府分潛樓知未穩有客怨離羣

同維四紀游二首

樓頭高臥後攜手問春船竹引臨峰閣鷗吟洗鉢泉喜
從雲霧窟長憶治安年欲上窺丹井塵容媿稚川

撥松尋廢圃猶號小蓬萊屢答歸樵語聞思賭墅才樵
謳穿翡翠醉墨點莓苔齊物無拘束浮雲任去來

庚村探梅

水滿吳興郡春情自古聞積陰花信緩倚櫂野光分翰
老經多壘香微接暮雲無嗟游侶寂君自厭紛紜

晚登窪樽亭

與客憑高地苔錢漬酒痕青沙雷塔火白鳥過溪門軍

鼓愁中急別簪世外存興來敲石罷隨意宿山村

憶弁山之遊

碧巘臨湖上風晴古殿開讀碑穿樹遍移榼過雲來困
得烟霞喜狂無鹿豕猜曾爲投老約題字滿蒼苔

同鹿友舟集二首

炎嶠曾聯憶鹿沙十載過酒能融鬢雪居各剪山蘿舊
約春潮滿閒愁暮雨多天心頻倚伏須贈魯陽戈

沙郭浮孤艇相逢黯自驚因多鷄黍事翻重別離情畫
角三吳夜寒花二月城榜人催早發醉語至今清

雨夜湖寺

期友梅花下山游未得豪春蟾多掩畢客枕似聞濤潤

靜惕堂詩集卷第二十一

十五

喜穴星轉

武林新
被火

沈憐米價高晨朝車馬絕我欲典征袍

顧園看梅

爲愛林塘曲寒香啓半霏步隨花片遠賞恨酒錢稀逸
客懷瑤瑟佳人夢縞衣吾廬開百樹援鶴未同歸

法螺菴偶題

信步層巖上蒼筠照兩懸那知微逕絕忽湧大江前密
牖琉璃火虛臺翡翠天何年容習靜一悟麴生禪

游紫雲洞

風日交陰處盤空石勢來雲車埋古磴乳竇洗春苔仄
引千厓入高臨萬壑開南天論避世過此卽塵埃

雨集舟中

花朝猶浙瀝客到野航深碧草憐詩瘦名山向酒尋夜
談孤燭燼春興兩湖陰樓上誰橫笛徒傷靜者心

城北別業

先人堂構在每歲一停舟鄉語時憂潦春情共倚樓竹
荒移雀乳浦澀礙魚鈎賣賦金難問牽蘿起暮愁

馬涇墓上作

祖德悲時遠松楸尚宛然淚痕依伏臘文系惜迤邐茂
草迷幽霧虛亭叫暮鶻隴岡無鉅碣何以慰終天

錢亭舟中

出城三十里沙氣不知遙寒攪春多雨溝喧晚送潮柳
垂村黯黯酒盡客蕭蕭欲聽黃鸝語孤筇上野橋

飲伯屏齋二首

隔歲開高館心期果不虛春榮銷美醞水饌出香魚圖
展松鱗老宵驚玉漏舒別申花底約準擬駕柴車
閒話桐君錄松膏可續齡坐愁春雨黑人對海山青歲
月俱飄瓦行藏只泛萍眼中知已在醅酌直須經

寺樓客過三首

高閣延青處雷賓只野蔬春田霖雨忌杭俗夜游疎寤
得三生理愚歸萬物初同懷餐雪子不見北來書

話及郝
雪海侍

御

行李兼旬住尋幽倦古藤峰多勤想像樓曠失煩蒸林
影迴清磬湖光眩野燈此中饒盛蹟磨滅竟誰憑

不作飛揚計端居賦采苓詩書吹宿燼勳業悟飄萍友
訊貧時憶邊笳醉後聽君能談隱訣愁鬢已難青

鹿友過集寓中疊前韻二首

射襄連若下得暇卽相過禁闊謀私釀懷深賦女蘿竹
牀宵易短山閣冷偏多莫待萑苻淨安生祝止戈

古有陳驚座忘名轉足驚

鹿友本字陸
又余爲更之

芝蘭方自引鐵石豈

無情密霧勻江甸荒厓剝宋城喜分漁火至斜照隱人

清

送平子

不遠閩山路寒江出釣船忘憂清酌外狎世白鷗邊夢

斷霜筠苦詩雷雪苑傳此行逢海晏珠履上華筵

平子母
以節著

靜惕堂詩集卷第二十一

七

六月二日雨同巢友山子限韻二首

災後宜豐稔三農望不虛借山遙舞燕積潦驟生魚衣
冷重開篋窗陰失曬書具區愁逆注誰與志河渠

伏日炎威減濃雲族未除殲蝗天意切量牓野情疎小
閣便幽臥來朝約荷鋤市門驚晏起米價復何如

葵石招飲鶴洲二首

不遠城南路芳塘足藕花主人拋紫綬築宇瞰清沙載
鶴青油舫迎賓白鼻駒細籌行樂事鄉曲勝天涯

蕙茜多殊族殷紅報早開兩湖香世界六月酒樓臺園
記常占國山樓特借才日斜休遽返吳女權歌來

六月初七夜二首

繁陰暑力微坐久覺星稀白愛谿亭做清聞夜鵲飛厨
人修茗飲稚子問絺衣尚憶承恩日齊紈手自揮
赤帝將窮陸黃姑且隔躔月吟惟草閣涼夢及江天願
得傾家釀兼耕負郭田客塵摧挫盡與我獨周旋

眉雪過

同學勤相見山房晝不炎糝羹魚薦爽凍耐蜜爭甜夕
霽斜分兩池花故遶簷百年窮過半佳句莫煩拈

蔣丹厓罷伏羌以畱素堂集屬刪定奉報六詩

客自秦川返當知行路難邊民逋賦役官府急交權考
署陽公拙恩垂漢法寬溪林相待久蕙帳莫愁寒

車箱何所有牛角數編詩遂作分貽藉能無遠道思草

靜惕堂詩集卷第二十一

六

迷諸葛壘土赤少陵祠西極應通貢翻疑使節遲

千古風流事抽簪美足傳覆杯關雪上寫韻鞏花邊游
歷曾危棧艱難近暮年北征余類此執手各潛然

雙魚來隴右計爾脫虞羅姓果蓬蒿得名餘翰墨多晚
秋黃雀鮮空水白蘋歌樂事終難極乾坤尚枕戈

舊德凋零盡詞場氣象殊挽衰須老手合法况窮途春
宴升胥嶺雲帆渺范湖俯驚憔悴質遽擬序三都

同籍心相許論文敢憚嚴絕憐秦塞闊無取越山尖身
退貧交喜書成造物嫌捲還猶佇立松月滿虛簾

湖上夜集二首

此夜誰酣暢東南一逐臣踏堤思舊蹟對月悟閒身絲

竹愁成病溪山福在貧嘉賓時惠好便得慰風塵
天表浮雲淨人來第一橋林光澄玉簾涼氣媚金蕉座
轉花籌密眠催戍鼓遙采蓮無屬禁何處訪迴橈

贈穆倩二首

昔年漁艇別夢斷蜀岡花豈意秋同醉依然健足誇支
牀風葉冷浴硯粵谿斜處晦微無悶攤書到晚鴉
瀟灑衡門下他鄉卽故鄉縑緗遺憾少金石定交長坐
對關城晚幽生薜荔香清江賓客在風雨送椒漿

靜惕堂詩集卷第二十一

